

September 5, 2016

www.awemainta.com

www.facebook.com/awemainta

noticia@awemainta.com

583-1400



# AWEMainta



**Your address for the best software and support.**

- ✓ Accounting Software
- ✓ Payroll Software
- ✓ Document Management
- ✓ HRM / CRM Software

**VCC International NV**

Exact software Payroll Pro Commence M-Files

Bonaire (+599) 717-6067 | info@vcc-int.com | www.vcc-int.com

Minister Paul Croes:

## Feria Social 2.0 ta logra 202.000 florin pa 15 fundacion local



**INVEST SECURE N.V.**  
We don't just say it... We Guarantee it!!! 582 7252

High Definition Surveillance Systems

Visit www.11SecurityInc.com

HVRs Pg 2 IP Cameras Pg 8 DVRs Pg 19 TVI Cameras Pg 22

“UN total di Awg. 202.000 a keda recauda pa un total di 15 fundacion cu a participa n’e Feria Social 2.0.

Esaki ta haci mi sumamente contento y satisfecho cu e logro aki”, asina Minister Paul Croes a bisa despues di e resultado final di Feria Social 2016.

E final di Feria Social 2.0 a keda presenta diasabra anochi den un Fort Zoutman yen di hobennan entusiasma cu a presenta nan proyectonan.

“Ami ta kere firmemente den nos hubentud y Feria Social 2.0 a demostra esaki atrobe. Hobennan a duna di nan tempo liber pa dedica na fundacionnan social den nos comunidad. Esaki sigur ta algo di aplaudi y elogia”, Minister Paul Croes a muestra.

E Minister a logra recauda e suma di no menos cu 202.000 florin pa reparti bou di e 15 fundacionnan cu a participa.

Un total di 93 hoben boluntario finalmente a realisa e proyectonan social. Minister Paul Croes kier a gradici tur e comerciantenan cu a apoya e tremendo iniciativa aki unda ta stimula hobennan pa crea mas consenshi social den nos comunidad.



Minister Paul Croes:

## 93 Hoben a traha boluntario pa 15 fundacion den FERIA Social 2.0

“**SUMAMENTE** exitoso e Feria Social 2.0 a resulta di ta pa 2016. Un total di 93 hoben boluntario a apoya no menos cu 15 fundacion social di nos pais.

Esaki den nan tempo liber, demostrando asina cu hobennan di Aruba ta haciendo cosnan positivo pa nan pais”, asina Minister Paul Croes a comenta den un entrevista na final di Feria Social 2.0.

E final di Feria Social a tuma lugar den un Fort Zoutman completamente yen cu un publico grandi. Cada proyecto a keda presenta individualmente y publico tabata impresionado p’e trabou desplega pa nos hobennan como boluntario hunto cu nan Youth Coaches.

Minister Paul Croes, kende t’e motor tras di e proyecto nacional di par-

ticipacion di hubentud na fundacionnan social, a mostra hopi satisfaccion cu e resultado final.

*“Cu 93 hoben ta pone nan tempo liber pa dedica na apoya y yuda fundacionnan pa logra un proyecto, ta muestra liderasgo di parti di nos hobennan. Enbes di dedica nan mes na cosnan menos positivo e hobenan aki a dicidi di yuda un otro ser humano y como consecuencia, nos sociedad colectivo”, asina Minister Paul Croes a bisa.*

E idea cu Minister Croes a trece dilanti na 2015 tin como obhetivo pa conecta fundacionnan cu un meta specifico, e recursonan necesario for di sector priva y hobennan boluntario, resultando den realisacion di proyectonan na beneficio di comunidad y tambe conscientisacion



di nos hobennan den tereno di responsabilidad social y liderasgo. Mirando con Feria Social 2016 a surpasa e expectativanan y ta creando un cultura mas grandi di trabou social, Minister Croes ya caba a compromete p’e programa di participacion di hubentud ripiti den 2017.





# Hulanda no kier Angel Bermudez como Gobernador

## y a propone pa Alfonso Boekhoudt

**MANERA** e situacion ta pinta, pa fin di e luna aki, Aruba lo no tin un Gobernador nobo, manera lo t'e deseo di Gobierno di Aruba, pa reemplaza Freddy Refunjol, kende mester a baha caba, pero a ser pidi pa keda algun luna mas.

Segun informacion di AWEMainta, Gobierno di Reino, no ta kere cu por acepta proposicion di Gabinete Mike Eman, pa nombra e actual Minister di Finanza, mr. Angel Bermudez.

No pasobra e no tin e capacidad, kende sigur ta ser considera un candidato apto, pero Hulanda ta hay'e cu e tin un edad halto caba (66 aña) y si e mester bay dos periodo, cu ta 12 aña, kier men cu e lo baha como Gobernador cu edad di 78 aña.

***Gobierno di Hulanda a trata di convence Mike Eman su Gobierno pa propone e actual Minister Plenipotenciario di Aruba na Hulanda, sr. Alfonso Boekhoudt, kende ta mas hoben cu Angel Bermudez.***

Loke Hulanda a tuma Gobierno di Mike Eman na malo t'e hecho cu den e otro candidatonan cu a ser manda, no tin un candidato serio. Manera por corda, candidato nr. 1 tabata Angel Bermudez, y e dos otro nan tabata dr. Ike Posner y sra. Glenda Margaretha, ambos ex miembro di AVP.

Hulanda a desea di mira como candidato potencial, e actual Presidente di Parlamento, drs. Marisol Lopez Tromp, kende su number a ser menciona den pasado, pero no a ser ni considera den e lista di candidatonan, pero kende awor a bira independiente, sigur no por goza di sosten di AVP.

Despues di Prinsjes Dag na Hulanda, lo discuti si Gobierno di Mike Eman a cambia di opinion y haci un proposicion nobo, cu manera menciona, lo desea di mira Alfonso Boekhoudt.

Hulanda di su banda tin tur derecho di nombra un Gobernador nobo, si mira cu e ta representa Rey di Reino Hulandes. Bisando esaki, no exclui cu si Gobierno di Mike Eman no kier haci cambio, cu Gobierno di Reino mes lo por dicidi sin tene cuenta cu Aruba. Creando asina otro conflicto

A surgi tambe con bin, no a propone e Minister Plenipotenciario di Aruba na Washington, drs. Andy Lee, kende tin e profile pa bira Gobernador, pero cu no a ser considera, maske cu for di un principio su number tabata menciona.

E decision final ta den scochi di Gobierno di Mike Eman, cu sea Mike Eman ta cuminsa un proceso nobo, loke lo pone cu Aruba por haya un Gobernador nobo, sigur prome cu fin di aña.



Parlamentario Melvin Tromp

# “Aruba ta sigui desaroya apesar di resistencia negativo di oposicion”

**OPOSICION** t’asina perdi den su negativismo y insistencia pa cosnan bay cu pais Aruba, cu ni sikiera tabatin e decencia di tuma un momento y felicita pueblo y Gobierno di Aruba, cu e gran logro di e acuerdo cu a sigura reapertura di e refineria di San Nicolas.

*“Tanto fraccion di MEP como di Democracia Real a haya ta necesario pa sigui cu nan weganan politico cu no ta sirbi proposito algun di nos pueblo y ya caba esaki a keda demostra siman pasa durante tratamiento di e ley di pa regula All Inclusive, caminda fraccion di MEP bou guia di su lider Evelyn Wever Croes, no por a muestra un posicion adecuado cu ta sirbi interes di pueblo.”*

*Di otro banda tur hende por a scucha con Andin Bikker a confirma cu e ta un extension cord di fraccion di MEP, mustrandu su preocupacion den su pensamento cu cosnan lo por bay malo cu turismo di nos pais.*

*Bikker tampoco a entrega un mocion cu ta sostiene un pensamiento positivo pa maneho di turismo y a prefera di fiha un posicion cu mas bien su preocupacion tabata pa doñonan di hotel no rabia, lubidando por completo e cantidad di trahador local cu por wordo perhudica si no regula e cantidad di kamber All Inclusive”, segun Melvin Tromp di fraccion di AVP.*

Durante di e reunion aki tambe pueblo por a bolbe ripara e hipocrecia grandi cu ta reina den fraccion di MEP principalmente su lider Evelyn, kende dado momento a muestra cu Parlamento tin cu sordo respeta como e institucion cu ta representa interes di pueblo di Aruba.

Ta mesun Evelyn aki practicamente riba cumpleaños di desorden cu a conduci na destruccion di e edificio di Parlamento na Augustu 2016, a nace den seno di MEP, caminda a organisa cantidad di reunion pa lanta pueblo y caminda un biaha mas el a ripara cu pueblo ya no ta kere den su persona y su partido.

Despues di e destruccion di e edificio di Parlamento, ningun miembro di e fraccion geel a bin duna un man pa drecha e lugar y a keda practicamente tres luna sin duna cara na pia di trabou y net e lider di MEP

ta exige respet awor pa Parlamento di Aruba, e institucion cu e mes no ta respeta.

Durante di e reunion aki tambe un miembro di fraccion di MEP, den e caso aki Ady Thijssen tabatin e curashi di papia di ‘stempelparlament’ lubidando por completo cu pa 8 aña su persona y algun otro colega di dje, a sinta den Parlamento y permiti Gabinete Nel Oduber destrui e pais aki, y crea problema serio pa nos pueblo.

Ady a sinta boca sera mira con famia di su lider di partido tabata wordo beneficia, mientras cu pueblo tabata wordo lubida y el a keda keto pa 8 aña largo y mesun cos el a haci den e proyecto na Parkietenbos caminda awe fraccion di MEP ta haci comosifuera cu e proyecto aki no ta data di e periodo di Gobierno di MEP.

No tin seriedad den oposicion den Parlamento, no tin respet pa pueblo tampoco ya cu tin asina hopi desaroyo positivo tuman-  
do

lugar aki na Aruba, pero cu fraccion di MEP y Democracia Real kier negligisha totalmente, cu argumentonan sin sentido.

*“Notabel den henter e ultimo desaroyonan pa logra e acuerdo final di reapertura di e refineria, cu e miembro di fraccion di MEP ya no a hunga ningun tipo di rol politico mas ya cu simplemente e no tabatin espacio pa haci esaki manera cu el a pretende di haci cu bishitanan na Caracas, Venezuela sin cu e tin mandato pa haci esaki.*

*Fraccion di AVP ta felicita Aruba completo y pueblo di San Nicolas en particular cu e acuerdo firma oficialmente cu CITGO y Valero cu ta habri caminda pa un mihor desaroyo pa tanto e bario aki como pa henter Aruba,” Parlamentario Melvin Tromp ta declara.*





# CEO di Valero tin hopi elogio pa Prome Minister, Gobierno di Aruba y CITGO

Parrish ta wak e futuro di refineria cu hopi positivismo

**TANTO** durante e momento di firma oficial di documentonan di traspaso, como tambe durante e conferencia di prensa posterior, CEO di Valero Energy Corporation, sr. Martin Parrish a mustra di ta sumamente satisfecho y tabatin solamente elogio, tanto pa e relacion cu Gobierno di Aruba, como tambe pa cu CITGO Petroleum Corporation como operador nobo di e refineria.

Den su mesun palabranan: “Tin hopi pa ta positivo y mi ta kere cu tur hende mester ta positivo riba d’je. E ta bay ta bon.”

Na prome luga a gradici e palabranan di Prome Minister Mike Eman reconociendo e aporte cu Valero, su operacion y entidadnan a nifica pa



## Fit For Life Foundation



Opleidingen voor preventieve gezondheid en welzijn van de mens in samenwerking met Caribbean Center for Health & Wellness Studies, Sonneveld Opleidingen en Fit-NL

**GEWICHTSCONSULENT:**  
Coach naar een healthy lifestyle



**FITNESS INSTRUCTEUR:**  
Coach naar doelgerichte en effectieve fitness resultaten



**STRESSCOUNSELOR:**  
Coach naar balans in het leven en beheersbare stress



**KIND & VOEDING:**  
Coach naar duurzame leefstijl voor kinderen en jongeren



Opleidingen zijn op MBO+ en HBO niveau  
Start: donderdag 13 oktober 2016

Inschrijving: [fit4lifefoundation@gmail.com](mailto:fit4lifefoundation@gmail.com)

Info: Frank Brandon (coördinator) ☎ 734-1965

*“Quality starts with Effort”  
Don’t Quit...Stay Fit...For Life!*



Aruba. E ehecutivo Mericano a recorda con el a yega nos isla pa prome biaha na 2004 y for di e tempo ey, ta solamente cosnan bon e tin pa bisa di, e. o., sr. Ray Buckley, como tambe Gobierno di Aruba.

**“Den transcurso di añanan, Minister President semper tabata un hende cu por a acerca, rasonabel, cu bon cabes pa negoshi y un bon curason. Nos ta aprecia tur esey”**, asina Parrish a declara.

Tambe a bisa cu e ta bay haya falta di e relacion di negoshi y cu personalmente e lo bay keda den contacto. Tambe a gradici Minister Mike de Meza y Richard Arends pa e trabou estupendo cu semper a desplega.

Tambe e CEO di Valero a ratifica e palabranan di Prome Minister Eman indicando cu en berdad esaki ta un bon dia pa Aruba.

Segun Parrish, **“Ta bay dilanti awo; ta bay over di reapertura di refineria cu Gobierno di Aruba como doño. Esaki ta un bon fit.”**

Refiriendo na CITGO, e ta wak e operador nobo cu bon wowo mencionando cu nan ta un tremendo operador y ta spera cosnan bon di nan y entidadnan cu lo establece na Aruba.

A finalisa bisando cu su compania ta contento di por a yega na e acuerdo aki y ta wak dilanti awo na finalisa tur asunto pendiente.



# Union Sindical di Aruba ta rechasa intencion di Minister di Trabou pa trece cambio den ley 1613x

E hecho aki ta haci tambe sumamente dudoso cu ta e simpel existencia di articulo 1613x ta ocasiona un desempleo bou di hobennan. Na Corsou unda cu e articulo aki nunca a existi y unda por lo demas e legislacion laboral ta similar (identico) na esun di Aruba, e desempleo ta substancialmente mas halto.

Dificilmente por conclui e ora cu e cambianan proponi na articulo 1613x lo hiba realisticamente na solucion di e problema pretendi. Mirando cu no ta probable cu e cambianan proponi lo tin e efecto desea, nos no ta mira e necesidad di haci nan.

Considerando cu un amienda na dicho articulo no ta necesario, basa cu no tin evidencia di un problema existente, insistencia di gobierno pa logra dicho cambio ta nifica un conflicto entre gobierno y sindicatonan formando USA.

Atentamente,

Sindicatonan formando USA

STT *Albert Fench*  
 IOWUA *Erwin R Maduro*  
 UEA *Erwin R Maduro*  
 SEPPA *Magaly Beiro*  
 SADA *Edward G. Maduro*  
 ABV *Travis Murrey*  
 SIMAR *SHEILA LAZO-TROMP*  
 ALVAST *Raymond Maduro*  
 SIWA *Erick Henriquez*  
 FTA *Hubert M. Dirksz*

UNION Sindical di Aruba (USA) pa medio di e comunicado aki ta informa cu despues di a wordo informa di e intencion di Minister di Trabou pa trece cambio den e ley 1613x, a reuni y a evalua e intencion aki y ta dicidi di rechasa y desapropa e locual Minister tin intencion di haci.

Adhunto tin e contesta di USA pa Minister cu ta papia pa su mes. Alaves, tur sindicato cu ta forma USA ta haci un yamada na pueblo trahador pa keda alerta, pa si en caso Minister insisti den su intencion pa haci cambio den e ley 1613x, pa pueblo trahador demostra cu nos no ta acepta esaki.

Nos ta considera e insistencia di Gobierno pa '**cueste lo que cueste**' pa logra dicho cambio ta significa un conflicto entre Gobierno y Sindicatonan cu ta formando USA.

Nos ta haya cu e cambio aki cu Gobierno kier no ta uno necesario y tampoco aceptabel.

September 2, 2016

Na Su Excelencia Ministro di Labor  
Drs. Paul Croes

Excelencia,

Pa medio di esaki Union Sindical di Aruba, USA ta participa na Su Excelencia, referiendo na nos carta fecha dia 26 Augustus 2016 manda na Su Excelencia via mail, unda nos a rechaza y desapropa e intencion pa trece cambianan di e ley 1613x cu ta regula contratonan di corto duracion, sindicatonan formando parti di USA ta reitera su posicion cu no ta haya necesario un amienda riba e articulo 1613x di nos Codigo Civil.

Punto di salida ora cu ta evalua un cambio ta semper cu of tin evidencia concreto cu tin un problema existente of un temor realistico y substancia cu a corto of mediano plazo un problema lo surgi si no tuma accion.

Den e caso aki e evidencia cu a wordo presenta di parti di Gobierno ta limita na

- e deseo di Minister expresa publicamente di trece cambio;
- e deseo di e gremio comercial di trece cambio expresa durante e reunionnan tripartite tocante cambio di legislacion laboral;
- un carta fecha 24 di Februari 2016 den cual minister ta menciona cierto datonan referente na e total di esnan cu ta cobra un ayudo social como tambe e porcentahe de desempleo bou di hobennan y adultonan di 45 bai ariba.

E deseo di tanto Minister como e gremio comercial pa trece cambio riba su mes no ta evidencia di un problema existente of cu tin indicacion di un problema den futuro cercano.

E cifranan presenta door di Minister, banda di no ta acompaña pa ningun tipo di indicacion di nan procedencia, ta muestra cu entre añanan 2011 y 2014 Aruba a conoce un disminucion den tanto e total di persona cu ta depende di ayudo social como tambe e porcentahe di hoben y 45+ cu ta desemplea.

Conclusion di e informacion aki, aunke hopi incompleto y escaso, ta cu no solamente cu no tin un problema di desempleo bou di e gruponan aki actualmente, sino tambe cu no por bisa cu a base di esakinan mester teme cu dentro di poco lo por presenta un problema di desempleo bou di e gruponan aki.

Aparte di e hecho cu no tin evidencia cu tin un problema existente, ta na su lugar pa haci un remarke encuanto e efectividad di e cambianan cu ta wordo proponi.

Una vez cu e necesidad di cambio ta comproba (locual aki no ta e caso), e siguiente paso ta pa evalua kico lo ta posibel solucionnan efectivo. Den e caso aki no a wordo presenta ningun tipo di prueba cu ta indica cu ahustenan, manera proponi door di Minister, ta medidanan cu efectivamente lo disminui desempleo.

Un manera pa evalua esaki ta comparando e cifranan di nos cu esnan di nos pais bisiña, Corsou, na unda nunca a conoce e limitacion pa cera contratonan di corto duracion manera ta e caso cu articulo 1613x. Eliminacion di e articulo aki pa e gruponan indica door di Minister lo hiba pues – pa cu e gruponan aki – na un situacion igual na esun cu semper tabata e caso na Corsou.

Notable ta cu si tuma na consideracion e cifranan di desempleo bou di hobennan na Corsou den e mesun periodo cu ta wordo usa den e carta di Minister, por constata cu na 2011 e desempleo bou di hobennan tabata na **24.7%** na Curacao, compara cu **23.6%** na Aruba (**1.1%** mas halto) y na 2014 esaki tabata **33.16%** na Corsou, compara cu **22.8%** na Aruba (**10.36%** mas halto).

E comparacion aki ta pone nos duda cu si acaso haci e situacion legal aki na Aruba mescos cu esun di Corsou – en todo caso pa e gruponan indica – esaki lo hiba na un bahada di desempleo. Akinan teniendo na cuenta cu na Corsou e desempleo bou di hobennan no solamente ta mas halto cu na Aruba, pero tambe tin un tendencia di subi, contrario na e situacion akinan.



Avenida Milo J. Croes # 118 – A  
 Tel: 5883948, Fax: 5883945  
 Dilanti Flora Market na Dakota  
 Horario: 8.30AM-5.30PM (nonstop)  
 E-mail: doorhandle @ setanet.aw

**BO TA BUSKANDO WIEL PA SLIDINGDOOR?  
 AKI NA THE DOORHANDLE NOS TIN  
 TAMBE TIN EXTRA SECURITY PA SLIDING  
 WINDOW Y SLIDING-DOOR**



Tel: 5821164  
 Cel: 5931189  
 Fax: 5880109  
 www.boutiquekeyla.com



**Nos tin hopi paña nobo y bunita  
 di size S te cu size 26  
 Pasa wak pa bo mes!!**

Paradera 84 ~ Dialuna - Diasabra ~ 9am - 6:30pm





Awg.95.00

Awg.80.00

Awg.70.00

Awg.85.00

Awg.50.00

Awg.45.00

Awg.70.00

Awg.40.00

Awg.50.00

Awg.100.00

**FASHION AT GREAT PRICES !**

**TRASH**

Minister Paul Croes:

# Lo no propone cambionan den 1613x

Despues di consulta cu sindicatonan

**DEN** un carta dirigi na Hubert Dirksz di FTA, alabes Presidente di Union Sindical, Minister Paul Croes ta informa sr. Dirksz cu pa falta di consensus rib’e cambionan den e articulo 1613x, e lo no propone cambionan den e reunion pa trataCodigo Civil.

Tabata un proposicion cu e Minister a manda pa amplia e articulo aki pa dos grupo special. Uno tabata pa personanan cu limitacion por haya e oportunidad pa contratonan pa tempo defini y tambe hobennan cu ta den un trayecto di re-integracion rib'e mercado laboral.

Ta dos grupo cu dificilmente ta hayando trabou y p'esey Minister a propone e cambionan aki. Banda di hopi cambio cu si tabatin consensus, esaki no a logra haya e apoyo di sindicatonan.

*“Nos tabatin contacto cu e presidente di e sindicato y a mustra cu no por a logra haya e consensus rib’e cambionan proponi. Y mi a bisa sr. Dirksz prome cu nan encuentro cu mi lo no haci ningun cambio sin haya e apoyo di sindicatonan. Esey mi a confirma sr. Dirksz den e carta tambe”, Minister Paul Croes a mustra.*

Den e tratamento di e Código Civil lo tin bastante cambianan cu lo keda presenta na Parlamento. Minister Paul Croes a mustra cu lo keda den dialogo cu sindicatonan y gremionan comercial pa mira den ki forma por yuda hendenan cu limitacion haya mas puesto riba e mercado laboral.

Tambe hobenan cu haya nan mes den problemanan social mester un extra push pa por haya un oportunidad pa traha. Den e tratamento dia 8 di september awo Minister di Trabou a informa e sindicatonan cu lo no propone e cambio specifico aki pa falta di consensus.





## Polis Maritimo a rescata "Chabela 2"



**SEPARA** di nan trabou diario di controla na nos costanan riba tera of den nos awanan teritorial via nan boto of waverunner, Polisnan Maritimo ta haci hopi mas. Un di e trabounan popular ultimamente ta rescata botonan cu problema, manera a sosode diadomingo mainta.

Tabata pa 10:30am cu a bati alarma na e oficina di Polisnan Maritimo conoci como "Strand Politie" pa un boto cu problema na 1 miya "oost" di Sero Colorado cu dos tripulante abordo. Na e sitio Polisnan a topa cu e boto "Chabela 2" registra cu e matricula A-1254.

Polisnan a touw e boto te na Rodgers Beach y a percura pa nan yega tera sano y salvo.

Ambos tripulante a keda masha gradici pa e ayudo aki y a keda di bay revisa e motor pa mira kico por tabata e fayó.



# FERTEC N.V.

## AIRCONDITION & REFRIGERATION

Address: Caya Ernesto o Petronia 45 Email: fertecnv@hotmail.com  
Tel: (297) - 5882860 Cell: (297) - 5633766



**Seriously efficient air conditioning**

A smart solution for your  
business or home

5 ton unit, 5.3 amps

24 hours a day, 7 days a week  
is about 230,- AWG monthly

**The Only Inverter Central  
Unit with  
Solar Panel Connection**

**SEER up to 25.00**



**SUNSOURCE®**  
Home Energy System

**New generation of  
inverter minisplit**








## Hoben ta wordo hinca pa grupo bisti na blanco banda di La Hacienda

**DIASABRA** anochi, alrededor di 11'or, Central di Polis ta ricibi informacion cu lo tin un pelea formal den area di Palm Beach Plaza.

Unidadnan policial a presenta n'e sitio, pero no a topa cu nada. Despues a drenta informacion cu tabatin un hoben cu hinca banda di e restaurant Italiano na Palm Beach.

A topa e victima, kende tabata banda di La Hacienda unda un grupo bisti na blanco a atak'e cu un obheto skerpi. El a haya corta den barica y brasa.

Ambulance a presenta cu urgencia pa transporta e hoben pa Hospital. Mayornan tambe tabata presente. E hoben a declara cu e no conoce e grupo aki.



Ronella Tjin Asjoe-Croes:

## Presupuesto y plan di Aruba Tourism Authority pa aña 2017 a ser entrega

**MANERA** ta custumber, e aña aki na luna di mei ya caba Aruba Tourism Authority (ATA) a cuminsa traha riba plannan y presupuesto p'e aña siguiente. Den luna di juli y augustus varios reunionan interno a wordo teni y tambe proyectonnan y plannan pa 2017 a wordo discuti entre Hunta di Supervision y Minister di Turismo Otmar Oduber y e ekipo di maneho di ATA. Tambe diferente reunionnan a tuma luga cu socionan den sector priva.

Riba dia 29 di augustus Hunta di Supervision a duna aprobacion na ATA pa e plan y presupuesto 2017. E documento aki a wordo entrega na Minister Oduber dia 1 di september. Minister Oduber a expresa di ta satisfecho cu un biaha mas ATA a entrega su presupuesto na tempo cumpliendo cu rekerimiento segun ley aplicabel pa ATA SG.

Pa 2017 a fiha como meta un crecimiento di 1% den 'stay-over arrivals', esta turistanan di estadia; un incremento di 1% den 'tourism receipts'; 5% crecimiento di turismo crucero y 3.5% di crecimiento di e RevPar, conforme informacion ricibi di AHATA.

E ultimo seis añanan turismo a score na un forma satisfactorio y hasta por lo general a surpasa meta. Considerando e shift den e mercado di Venezuela como resultado di e eliminacion di esnan cu tabata bishita primordialmente pa haya acceso na

e dolar mericano, meta ta pa absorba e caida aki mas tanto cu ta posibel. P'esey por mira crecimiento mas modera (di 1% pa ambos 'stay-over arrivals' y 'tourism receipts') compara cu añanan anterior. Merca ta instrumental den sigura cu por mantene un turismo stabil. A fiha como meta un crecimiento di 5%. Ambos e region nan di Latino America y Europa mester muestra crecimiento den 2017, di 17% y 9% respectivamente.

Mescos cu e aña aki e plan di ATA pa 2017 ta pone hopi enfasis y importancia riba desaroyo di nos producto, cu ta keda un top prioridad. Tambe mas cu claro promocion di Aruba mester yuda carga meta nan fiha.

Prioridadnan strategico ta keda ta; crece e 'average daily tourist spending', crece e 'share' di bishitante afluente pa nos isla, diversifica mercadonan pa asina sigura cu tin un portfolio balansa, sigui pone atencion debido riba 'airlift', y sigui enfoca rib'e experiencia di e cliente y riba creacion di experiencianan nobo pa medio di desaroyo di producto y promocion debido.

Despues di a amplia mercadonan ultimo añanan, otro aña no lo habri mercadonan nobo, pero lo pone esfuerso den esnan existente incluyendo Mexico cu ta esun di mas nobo. Diversificacion lo ta un meta, pero dentro di Merca. Sharing economy lo

sigui haña e atencion debido, como tambe seguridad, nos playanan, y tambe aruba.com cu ta ser rediseña actualmente y lo wordo lansa den su bachi nobo otro aña.

Tambe ATA lo update su Plan di Maneho otro aña y fiha pues e direccion y proyeccion nan pa e proximo 4-5 aña. Conforme patronchi di comportacion di e Venezolano afluente – kende a bin ta emigra pa varios pais – como parti di e strategia pa atrae a bishitante nan aki cu tin un patronchi di gasto atractivo, no solamente lo sigui cu esfuersonan hopi dirigi den e mercado mes, pero tambe lo enfoca rib'e comunidad Hispano Americano, pa ta specifico e Venezolanonan biba eynan, na e parti sur di Florida.

Conforme presupuesto presenta pa 2017, 59% di A.T.A. su budget lo bay na promocion, 20% na desaroyo di nos producto, 16% na gastonan operacional y ta proyecta cu 5% di e presupuesto lo keda como un resultado positivo netto. Manera ley ta prescribi Minister lo provee e plan y presupuesto di ATA na Parlamento, kende tin

10 dia pa por revisa esaki y comenta si ta necesario. Despues di e fase aki Minister por aproba e plan y presupuesto di ATA. Ronella Tjin Asjoe-Croes

ta gradici y felicita e ekipo di ATA cu a traha duro p'asina un biaha mas A.T.A. cumpli cu finalisacion di plan y presupuesto p'e aña siguiente na tempo.



### GenAir

#### Employment Opportunity

General Air Services Inc. is a local family established company in Aruba for over 43 years and operates as a major airline ground handling company at the Queen Beatrix Intl Airport. We proud ourselves as a dynamic, progressive and caring organization where working is fun.

General Air Services is now accepting applications for **Part-Time Customer Service Agent**. His function is to give service to all passenger embarking and des-embarking; including ticket sales. You will be working in a team servicing one of our well-known international airlines

#### Job Requirements

- A minimum of MAVO or Avond HAVO Degree or equivalent
- Should be at least **18 years old**
- Able to work during weekdays and weekends
- Should be responsible, self-determined, Dynamic and Customer Service Oriented
- Fluent in speaking **English, Dutch, Spanish and Papiamentu**.

#### We Offer:

- A friendly working team and atmosphere
- Possibility to grow in airline business with airliners benefits.
- Employee benefits according to the labor law.

#### What do you have to do if you are interested?

Visit our Human Resources office located at Sabana Blanco # 70E Suite#2 between 9:00 am to 12:00 pm and 2:00 pm to 4:00 pm to fill in an application form before **September 9, 2016**



Vice Presidente di Parlament Chris Dammers

## Gobierno cumpliendo cu su deber financiero logrando desaroyonan positivo

**SIMAN** pasa Minister di Finansa, Angel Bermudez a percura pa un momento sumamente importante den e desaroyo economico y financiero di nos pais, ora cu dia 31 di augustus, el a entrega Presupuesto di Aruba 2017, na Parlamento.

Un momento sumamente importante caminda a base di e ley temporal di cu Parlamento a aproba algun luna atras CAFT Aruba, a cumpli cabalmente cu esaki dor di no solamente entrega e ley segun Constitucion y e ley di comptibilidad ta existi, pero tambe a percura pa pone Cuentanan Anual 'up to date' y na mes momento percura pa tin e reportahe cada kwartaal caminda por controla cu Gobierno ta cumpliendo cu ehecutacion di su presupuesto aproba.

"Gobierno tin palabracionnan concreto cu Gobierno di Reino, pero mas cu tur cos, e tin e responsabilidad grandi cu su propio pueblo, di stabilisa e situacion financiero di e pais despues cu hopi aña cu esaki no tabata e caso. Sin duda nos tin cu felicita no solamente Minister Angel Bermudez y su hendenan, pero na mes momento mester felicita e profesionalnan den servicio di e departamentonan di Gobierno cu a traha duro y ta forma parti esencial di henter e proceso aki, p'asina Parlamento y tur hende por tin un mihor control riba e maneho financiero di nos pais, di acuerdo cu Vice Presidente di Parlamento, Chris Dammers.

Entrega di e presupuesto a sosode un rato despues cu Gobierno a firma e acuerdo oficial cu CITGO y Valero ta loke ta reapertura di e

refineria cu ta dos desaroyo cu lo tin su consecuencia positivo riba presupuesto di 2017 di pais Aruba.

Ya caba Gobierno a bin ta cumpliendo cabalmente cu su obligacionnan financiero, treciendo ordo den finansa di nos pais logrando cosnan grandi cu ningun otro Gobierno anteriormente por a logra y cumpliendo cabalmente cu palabracionnan haci cu Hulanda.

E determinacion di Gabinete Mike Eman pa logra yega na un presupuesto balansa, ta ser anticipa caba dentro di poco caminda presupuesto 2017 lo bay conoce un deficit historico di solamente 0.5% loke ta muestra cu Gobierno ta canando dilanti di su meta stipula.

Hunto cu entrega di e presupuesto 2017 Gobierno ya caba a keda cla cu su cuenta anual pa 2015 cu ta otro exigencia y obligacion financiero stipula cu ta haci mucho mas eficiente, e control di Parlamento riba e forma con Gobierno a ehecuta su presupuesto di e aña anterior.

Reapertura di e refineria lo bay percura pa un impacto economico hopi importante pa tanto loke a resta di e aña fiscal cu ta cabando y otro añanan nos dilanti caminda hunto cu otro desaroyonan importante tumando lugar riba nos isla, lo bay percura pa Aruba stabilisa su situacion financiero y economico.

Durante tratamiento di e presupuesto 2017 Gobierno lo ta entregando un nota di cambio den cual lo refleha e entradanan adicional cu nos lo bay haya anualmente di CITGO. Esaki solamente lo haci cambionan ainda mas positivo pa cu e presupuesto, Chris Dammers a sigui bisa.

E speranza ta grandi cerca Gobierno cu lo alcanza e meta grandi di yega na un presupuesto balansa dentro di poco a base di reportahenan di cada kwartaal cu ya caba a ser presenta pa loke ta presupuesto 2016 cu ta 'on the dot' manera palabra y ta un desaroyo grandi cu pa prome biaha ta ser logra desde cu Aruba a haya su autonomia cu su Status Aparte.

Un biaha mas ta keda demostra cu mientras oposicion ta sigui sembra y plama negativismo cu nan vision y speranza destructivo, Gobierno ta sigui cumpli cu pueblo di Aruba manera a ser palabra y den tur bario por mira e gran progreso cu ta tumando lugha cu mester sigur nos pueblo un bida mas placentero y progresivo, Vice Presidente di Parlamento, ing Chris Dammers ta splica.



# DRAGON

## CD & ELECTRONICS

Mainstreet San Nicolas Tel. 584-3999  
open 9.00 - 13.00 and 14.30 - 18.30

### Dragon specials



Samsung note edge



blu sport 4.5  
afl. 210.00



Samsung s3 mini  
afl. 315.00

Also: Samsung S5, s5 mini, Samsung S4, Samsung 4 mini, S3 mini etc.....  
Accessories for all Samsung and Iphone models

Toshiba Laptop 15.6" 4Gb 320Gb Harddisk. Afl. 900.00  
Hp Ink cartridges, Universal laptop adapters etc..  
iTunes gift cards \$ 10.00, \$ 15.00 and \$25.00,  
Google play cards and Playstation Network cards.

Sales, repair and accessories for all Samsung models and other cellualars.  
Unlock, reload, reset, upgrade, replace lcd, keypad, speaker etc.....





**AWG.165.00**  
Highlights, color,  
cut and blow dry

**AWG.55.00**  
Wash & Blow dry

**AWG.125.00**  
Hair Color, Cut  
and Blow dry

**AWG.25.00**  
Haircut

Special valid through September 31, 2016



For appointment please call 582.5599

## Otro asesinato na St. Maarten


**ST PETERS**, St. Maarten – Diadomingo algo pasa di mei anochi, varios yamada a drenta na Emergency Dispatch cu a tende varios tiro a ser tira na Soursap Road na Sint Peters. Inmediatamente diferente patruye policial, paramediconan y Recherche y oficialnan di Departamento Forensico a ser dirigi n’e sitio pa investiga ta kico a sosode.

N’e sitio Polis a bin haya un persona local, drumi banda di su auto. E victima tabata sangra for di e heridanan di e tironan cu el a haya y e no tabata musta cu e tabata na bida.

Inmediatamente a sera e localidad pa establece e sitio di e crimen.

Departamento Forensico a ser dirigi p’e sitio pa cuminsa na colecta evidencia, mientras cu Recherchenan ta papia cu varios testigo potencial.

E momento ey, identificacion di e victima no tabata conoci ainda. Mescos tambe, esun (nan) cu a tira tambe a keda desconoci, sin por sa e causa ainda. E investigacion a cuminsa y tabata den oranan di mainta, cu a bin identifica e victima como **Alrico Dolphin aka Rico**, kende a keda asesina practicamente dilanti su cas na Soursap Road. Un miembro di famia a identifica e victima tambe como tal. Causa di e asesinato aki ta sigui ser investiga. Mientrastanto Polis ta den poder di un video cu a ser traha algun ora prome di e victima.



### GenAir

#### Employment Opportunity

General Air Services Inc. is a local family established company in Aruba for over 43 years and operates as a major airline ground handling company at the Queen Beatrix Intl Airport. We proud ourselves as a dynamic, progressive and caring organization where working is fun.

General Air Services is now accepting applications for **Part Time Ramp Agent**. His function is to receive, prepare, load and offload all passengers' luggage that arrive and depart on daily flights, including different other tasks on the ramp. You will be working in a team servicing one of our well-known international airlines.

#### Job Requirements

- A minimum of MAVO or equivalent
- Should be at least **18 years old**
- Able to work weekends, holidays and variable schedules
- Should be responsible, self-determined, representable, and Dynamic
- Excellent knowledge of the English language in word and in grammar
- Must be a self starter and be able to work under pressure
- Driver's License is a plus

#### We Offer:

- A friendly working team and atmosphere
- Possibility to grow in airline business with airlines benefits
- Employee benefits according to the labor law.

#### What do you have to do if you are interested?

Visit our Human Resources office located at Sabana Blanco # 70E Suite#2 between 9:00 am to 12:00 pm and 2:00 pm to 4:00 pm to fill in an application form before **September 9, 2016**



Dangui Oduber (MEP):

## Benny Sevinger a pone Aruba na benta cu su maneho!

*“AWE, 5 di september 2016, Minister Benny Sevinger mester bin Parlamento di Aruba pa duna cuenta. E mester bin responsabilisa su mes con fiesta cu patrimonio di pueblo a tuma luga e ultimo añanan aki, bao su conocimiento y cu su cooperacion.*

*E netwerk di Benny Sevinger ta consisti di su chief of staff, su secretaria, sobrinonan di esnan cu ta bende tereno, un tal Franklin cu ta labora na DIP, un tal Lourens cu ta traha di cerca cu Benny. E netwerk aki e haci posibel pa entrega terenonan comercial na diferente grupo y famia pa esakinan wordo poni na benta”, segun Dangui Oduber.*

“Mayan ta un dia hopi importante pa e pueblo por wordo informa con corrupcion a wordo haci legal cu terenonan di pueblo. Un cantidad di prueba lo wordo presenta y pueblo mes lo mester husga Benny. Nos ta convenci cu den fraccion di AVP no tin ningun hende cu curashi pa manda Benny Sevinger cas, pero esey e pueblo mes lo **“take care”** di dj’e otro aña. Hecho ta si cu un Minister asina NO por keda.

Su integridad ta na suela, su credibilidad ta na suela y tur e casonan den corte ta pisa hopi. No solamente e casonan den corte sino tambe e hecho cu e como Minister tabata **“willens en wetens”** na altura di tur loke ta pasando.

Tin varios stroman a wordo uza den e estructura di bendemento di tereno.

Tin email di secretaria di Benny Sevinger ta wordo manda pa stroman.

Tin emailnan cu ta prueba con terenonan ta wordo reserva pa hende. Cual ciudadano por haya e trato aki? Cual ciudadano por scohe na unda e kier traha un cas?”

Segun Dangui Oduber, “Benny Sevinger no a campaña cu esaki. Ora Benny a drenta boso cas eleccion pasa e no a bisa cu e ta bay bende Aruba na e manera aki.

E no a bisa cu su oficina ta bira un oficina ta bira un compania di Real Estate.

Benny Sevinger a lubida di unda e ta bin, e la lubida e pueblo votador y ta ofrece yudansa solamente na esnan cu tin manera pa paga. Tin asina tanto prueba contra Benny Sevinger cu hamas y nunca e por keda despues di mayan como Minister.

Si Benny Sevinger mes tin un tiki di cuero di cara ainda e mes como Minister responsabel p’e disaster cu e le crea mester asumi su responsabilidad y entrega su retiro. Benny a uza e pueblo votador pa yega na poder y pa despues bandona e lucha y yuda amigonan, coordinadornan y sponsornan.

Nos ta haci un invitacion na henter e pueblo di Aruba pa NO perde e reunion aki caminda un prueba tras di otro lo wordo presenta y tur documento lo wordo poni **“ter inzage”** pa fraccion di AVP mes pasador di nan.

Benny Sevinger nunca por bay bisa mayan cu e no sa di bendemento di tereno y e fiesta cu ta tumando luga, pasobra su propio secretaria ta den e loop di emailnan. Minister ta lubida cu ta su propio hendenan cu a fada di abuso ta parti e documentonan aki rond, pasobra nan mes no kier sigui tolera tanto bagamunderia!”, Dangui Oduber a duna di conoce.

# RIJLES



SPECIAL Afl. **297,00**

HERMUS  
Rijschool NV.


5943263 / 5826732  
hermusrijnschoolnv.com SIVIDI 1-C O'stad





Den clup nocturno D'Alley.....

# Dòbel asesinato den curazon di Punda



**WILLEMSTAD** - Diasabra dia 3 di sèptèmber den oranan di mardugá alrededor di 04.45'or, Polis a ricibí notificacion di un caso di tiramento cu a tuma lugar den un discotèck den Caya A.M. **“Shon Toni”** Prince.

Na yegada di e promé unidad policial, nan a bin topa un hòmer y un dama drumi abou, parti paden, practica-mente den porta di e centro nocturno aki, cu diferente herida di bala y ningun di dos tabata duna señal di bida.

E hòmer victima Jurick Kurthley Gregorio Hooi, naci na Còrsou dia 27 di jùni 1996 (20 aña) tabatin tres per- foracion di bala den su lomba y e dama Karoushaney Mariahkarry Martina naci na Còrsou dia 24 di jùni 1994 (22 aña), tabatin un herida di bala na su cabes.

For di investigacion preliminar a sali na cla cu tabatin un discusion entre algun persona y despues un di nan a los algun tiro cu a alcansá e dos víctimanan aki. Dòkter di Polis cu a presentá n'e sitio, a constatá morto di ambos víctima. Investigacion den e caso aki ta continuá.



## Domino's

**DELIVERY + CARRY OUT**

### SPECIAL

**OFFER EXTENDED DUE TO POPULAR DEMAND**

**MEDIUM 1-TOPPING**

## PIZZA

**ORDER OF CINNASTIX**

**3 CANS OF COKE**



**FOR 25.00 AWG**

**ORDER NOW**

**PALM BEACH**

**586 0333**

**TANKI LEENDERT**

**582 0333**

**SAVANETA**

**584 0444**

**BOULEVARD**

**583 0333**

Offer is not valid in combination with any other Domino's Aruba Offer or promotion.  
Best Pizza Aruba N.V. reserves the right to stop the promotion at any time without prior notification. Prices do not include BBO / BAZV. This offer is valid until further notice.



Lider di partido MEP:

## Reapertura di refineria ta un logro di pueblo

Aruba te e victorioso y a habri e caminda pa convence esnan di AVP pa stop cu e desmantelacion

**RIB'E** pregunta con fraccion di MEP ta mira e situacion en torno di e firmamento di e deal di e refineria, sra. Evelyn Wever Croes a elabora ampliamente rib'e caminda cu a cana p'asina yega e momento na unda Aruba henter por tin e speranza di un operacion di e refineria atrobe riba nos isla. "For di curason mi ta hopi contento cu nos ta bibando den un temporada di speranza den un reapertura di nos refineria. Partido MEP nunca a rindi ni a perde speranza cu nos lo bay habri e refineria bek pa Aruba.

Partido MEP a traha p'e. Sinembargo, nos no mester bay discuti kende merece elogio of no merece elogio, pero nos mester tin e seguridad cu ta e pueblo di Aruba ta esun cu merece e elogio cu e apertura di e refineria. Pasobra den e pueblo di Aruba semper tabatin un gran parti cu nunca a perde speranza y a mantene fe cu un dia e refineria lo habri bek", sra Wever-Croes ta bisa. Lider di MEP ta bisa cu aña pasa, na februari ainda, partido MEP tabata discuti cu esnan den e partido di AVP, esta Parlamentarionan, Ministernan como tambe prensa liga na AVP, caminda cu mester a defende dicon MEP si ta kere cu e apertura di e refineria ta importante pa Aruba. "Nos mester a convence nan cu e refineria ta contribui cu por lo menos 15 por ciento na nos economia. Nos mester a convence nan tambe cu e refineria ta bay duna empleo na 4 pa 5 mil persona. Y tambe nos mester a convencer nan cu e refineria ta e unico manera pa nos fortifica e posicion di nos florin. Un aña y mey pasa nos mester a haci tur esaki, pasobra AVP no tabatin e vision di esaki y nan tabata cla pa desmantela e refineria", e lider di MEP ta enfatisa. "Ainda por corda cu na februari 2015, partido MEP a organisa accion Ora Cero. Lider di MEP ta bisa cu ta bon pa nos para keto un rato na e dia aki y reflexiona kico tabata e con-

secuencia di e accion aki. Pasobra ora cu MEP organisa un accion, no ta pasobra e lider ta haya gana of pasobra otronan den partido ta haya gana pa haci esaki, sino e pueblo ta pidi pa esaki. Esaki tabata e momento na unda cu pueblo a bisa nos pa bay na e gate di Valero p'asina haci e intento pa para e desmantelacion di e refineria. Y partido MEP ta scucha e pueblo", sra. Wever-Croes ta bisa.

Sra. Wever-Croes ta bisa cu ta e pueblo cu a insisti y persisti na februari y para dilanti e Gate di Valero temarduga a logra y merece elogio cu awe nos ta biba den e speranza cu un dia e refineria lo habri bek. "Un dia bierna nochi, nos a dicidi di bay na e gate di Valero. Tur esnan cu tabata t'ey e anochi ey cu a bay para te marduga eyan. Ta danki na nan cu awe e refineria ta den vispera di reapertura. No esnan cu a bay firma y a wordo paga miyones di florin pa biaha cu Roberto Rincon y ken sa kico straño nan a bay haci na Huston" sra. Wever-Croes a laga sa. Partido MEP, sea ta sra Evelyn Wever-Croes, Glenbert Croes y tur otro colega, simplemente a canalisa e deseo di e pueblo. "Na momento cu pueblo a pidi nos pa manda un señal pa Valero pa nan stop e desmantelacion, nos a haci esaki di biaha. Valero a contesta nos y a constata na nos tambe cu nos ta e prome di Aruba cu ta duna nan e señal aki pa stop e desmantelacion, pasobra Aruba no ta desea esaki", segun sra. Wever-Croes. Lider di MEP ta continua bisando: "Valero a bisa mi cu nan tabata den fase pa desmantela. Mike Eman y Mike de Meza ambos tabata sa di esaki, y nan mester a cuminsa actua. Y nos por bisa cu ta for di aki nos a cuminsa cambia e destinodi e refineria y e destino di e pais aki. Despues di esaki tabatin varios otro actividadnan cu a tuma lugar en torno e reapertura di e refineria. E. o. Andin Bikker a entrega un mocion na Parlamento. Tambe nos a organisa un charla cu sr. Nelson

English na Surfside Marina na unda tur informacion di e posibilidadnan pa un reapertura a wordo duna. Partido PDR tambe a organisa un charla cu Nelson English na Centro Teres na San Nicolas. Na ambos charla e pueblo a wordo informa cu tin alternativa y cu nos no mester sigui pensa riba medida so manera e Gobierno di AVP a bin ta proponiendo", el a bisa. "Tambe ainda ta fresco den memoria di tur hende, cu despues di e encuentro na Centro Teresita, tabatin un Town Hall meeting na San Nicolas, na unda Minister de Meza ta bolbe informa pueblo cu no tin otro alternativa sino pa desmantela e refineria. Sinembargo, awe cu nos ta para dilanti vispera di e reapertura di e refineria nos por ta content pa bisa, cu nos a gana, pueblo a gana. Pueblo ta esun victorioso y a habri e caminda pa convence esnan di AVP pa stop cu e desmantelacion. Y ta solamente e pueblo merece e gran elogio aki", lider di MEP ta enfatisa.

"Mi ta hopi contento cu e momento aki, pero mi mester ta hopi honesto. Mi ta hopi cauteloso, pasobra ainda mi no a wak ningun documento. Te ainda mi no sa kico a wordo firma y mi no ta kere ni un palabra di Mike Eman ni di Mike de Meza. Ta un cantidad di biha cabacu nan a gañanos. Te cu awor, pa e Ministernan aki tabata importante pa duna show so y no pa duna contenido. Te cu awe ainda Parlamento no a haya e 2000 pagina di e contract di CITGO tampoco. No ta conoci na nos cuanto pagina nan a firma cu Valero pero den tur caso nan tin tur cos y ta haciendo tur cos for di bista di Parlamento", Evelyn Wever-Croes a laga sa.

Sra. Evelyn Wever-Croes a termina poniendo den contexto e tempo cu sr. Nelson Oduber a drenta Gobierno na aña 1989. El a para e desmantelacion di e refineria cu sr. Henny Eman a cuminsa e tempo ey. Sr. Oduber a ne-

gocia cu Coastal y a yega na palabracionnan cu Coastal. Pero e no a core bay firma. Gobierno e tempo ey a bay Parlamento pa presenta e deal na Parlamento prome cu nan a firma. Te ora cu Parlamentto aproba e deal, cu porcierto AVP no a aproba, pero si a conta cu e mayoria den Parlamento, a cera e reunion di Parlamento, a habri un otro reunion solemne den Parlamento pa firma e deal den e cas di pueblo. "Esaki ta transparencia. Esaki ta ora bo ta duna respet na pueblo y ta informabo Parlamento. Pero loke cu Mike Eman y Mike de Meza a haci aki, ta contra tur moral di transparencia. Y mi ta spera cu e miedo cu nan tin pa duna transparencia y informacion pasa pronto y cu nan por entrega e documentonan aki na Parlamento p'asina cada partido por studia nan. Te ora cu nos por wak e documentonan aki y studia nan, nos por duna nos opinion rib'e deal aki. Prome cu esaki, nos no por bisa cu seguridad cu tur cos a wordo negocia e bienestar di nos pueblo. Ta te ora nos studia e deal, nos por bisa Aruba pabien cu un deal asina of tambe si e Gobierno aki a fayaatrobe. Mientras tanto, nos kier sa tambe kico lo bay pasa cu e reclamo ambiental, cu e impuestonan y cu e trahadornan. Awor ta keda na nos pa sinta warda Gobierno entrega nos e documentonan pa nos por duna nos opinion definitivo", sra. Wever-Croes ta termina bisando.





# Awe e berdad di 'King of Real Estate' ta sali na cla

## Benny Sevinger no por sigui core pa debate

Segun Partido MEP

**PARLAMENTO** awe dialuna ta yama Minister Benny Sevinger den Parlamento pa bin duna cuenta. Un reunion cu fraccion di MEP a pidi desde 18 di januari 2016, y despues di manda 5 recordatorio, por fin e reunion a wordo yama.

Fraccion di MEP a pidi pa Minister Benny Sevinger bin duna cuenta di su fiesta den negoshi di tereno. Un corrupcion na gran escala cu a dun'e e nomber di Benny "The King of Real Estate".

Tin mas o menos 11 mil ciudadano di nos pais, cu tin 7 aña ta warda tereno pa nan construi nan cas y pone dak riba cabes di nan yiunan. Pero den e 7 añanan aki Minister Benny Sevinger no a import'e pa atende cu e peticionnan aki hustifica di ciudadanonan di Aruba.

Loke Minister Benny Sevinger a haci ta privilegia su grupito di "friends and family".

Cudadanonan mester keda warda, pasobra Minister Benny Sevinger a privilegia esnan cu a hinca miyones den su campaña electoral.

Miles y miles di meter cuadra a wordo regala na sponsornan di campaña. No lubida e 90 mil meter cuadra pa 90 bisami. Pruebanan tin riba mesa con e coordinadornan di Benny Sevinger ta "fix" tereno pa su hendenan.

Tur e berdadnan aki cu prueba lo keda presenta den sala di Parlamento dialuna.

Ministerio Publico lo ta atento p'e reunion aki, y lo sigui tur e maniobranan.

Mayan nos lo mira si tin husticia igual pa TUR hende na Aruba, of si tin husticia di CLASE. Pasobra e simpel hecho cu Benny Sevinger ainda ta canando liber, ta pone hopi duda den funcionamiento di nos sistema hudicial.

Pa medio di esaki ta hasi un apelacion fuerte y urgente na henter comunidad di Aruba: SEA ALERTA y keda pendiente p'e reunion cu ta cuminsa 10'or di mainta.

Minister Benny Sevinger a manda yama ful su militancia a traves di mensahenan, pues mayan instruccion a bay caba pa tur su departamentonan p'e hefenan manda abmntaarnan bay sinta den tribuna pa aplaudi e actonan di corrupcion di e Minister. Pero ta di mira ora cada un di e coordinadornan ey mes, y e ambntaarnan ey mes mira cu nan propio wowo con Minister Benny Sevinger a privilegia su sponsornan di campaña cu miyones, anto e homber chikito mes el a suta cu medida tras di medida. Ban mira kico lo pasa cu e corona di Benny "The King of Real Estate".



Authorized Reseller

# iPad Pro

Thin. Light. Epic.

# iStore

A R U B A

Ponton 67B | Caya Betico Croes 49 | Oranjestad, Aruba | 588.2167 | [www.istorearuba.com](http://www.istorearuba.com)



Increibel e ladronicia den dia cla!

## “Dezerzijds akkoord, gaarne medewerking” a bira e frase popular pa sigui horta tereno di pueblo

**COMUNIDAD** Arubano a ser grandemente sacudi ora cu a tuma nota con cierto pirata, sponsor y compinchinan politico liga directamente na partido AVP a wordo recompensa cu un gran cantidad di terenonan di Gobierno y esaki cu bendicion total di e Minister di Infraestructura Benny Sevinger y Prome Minister Mike Eman. Den tur skina di Aruba e acto repudiabel di ladronicia aki a ser condena ya cu ta increibel con p. e. un solo persona, esta Leoncita a haya den total 90.000 m<sup>2</sup> di tereno di pueblo (ekivalente na 14 veld di futbol) p’asina e por haci negoshi pirata cu e terenonan aki bendiendo esakinan na prijsnan miyonario. Tambe no mester lubida con te hasta Minister Otmar Oduber y parlamentario Melvin Tromp a beneficia na grandi cu terenonan otorga na nan na Tamarijn y Palm Beach.

### Hustificacion di pirateria

Hamas nos pueblo a yega di experiencia un ladronicia di tereno di pueblo di e forma bergonsoso aki, caminda mayoria di e terenonan a wordo otorga rib’e mesun dia cu e peticion a drenta na despacho di Minister Benny Sevinger. “Dezerzijds akkoord, gaarne medewerking” a bira e frase popular cu e Minister aki ta aplica pa duna permiso wowo cera na su compinchinan pirata di partido y tambe na su socio Roberto Rincon cu a haya aprobacion pa tereno den apenas 3 dia di trabao. Sin ningun tiki di berguen-

sa Minister Benny Sevinger kier ainda hustifica e pirateria aki bisando cu su “dezerzijds akkoord” y su firma no tabatin ningun implicacion y influencia rib’e otorgamento di e terenonan aki. Benny, “a otro perro con ese hueso!”

### Un partido sin consenshi

Ta increibel con e Minister di Infraestructura a otorga miles y miles di terenonan di gobierno pa su compinchinan politico haci negoshi cu esakinan, mientras cu tin 11000 conciudadano tin aña y decadanan largo ta inscribi na DIP pa por yega na remarke pa un pida tereno di sikiera 400 m<sup>2</sup>. Varios di e peticionarionan aki ya a muri bay sin cu nunca nan a bin na remarke pa un pida tereno pa nan por a traha nan propio cas. Alavez tin mas cu 3000 peticion na FCCA di ciudadanonan cu kier bin na remarke pa un cas social, pero te ainda nan no a logra haya esaki ya cu e gobierno di AVP durante 7 aña no a construi ni un solo social na Aruba. Awe den tur bario di Aruba por mira chosanan ta lantando di ciudadanonan kendenan ta wordo depriva di por biba decentemente den un cas social.

Den tur e miseria cu pueblo ta pasando aden y cu nan no por haya ningun tereno di Gobierno den erfpacht pa construi nan propio cas y ni nan por haya un cas social pa biba y cria nan famia honradamente, e “cristian democratanan” di AVP a demostra cu nan

no tin ningun consenshi pa yuda e pueblo abandona aki, pero ta prefera di cera dealnan corruptivo cu nan compinchinan politico y ta laga nan den tur libertad pa bende terenonan di Gobierno y p’asina nan tambe haya parti di e bolo.

### MEP ta marca e diferencia

Den pasado Gobiernonan di MEP semper a duna tur ciudadano e oportunidad pa yega na remarke pa un tereno den erfpacht y tambe a institui e fundacion social FCCA pa yuda nos

ciudadanonan traha nan propio cas. Tambe nos partido a percura pa construi practicamente tur e casnan social existente na Aruba. Pues bao di gobernacion social democrata di MEP terenonan di Gobierno tabata wordo destina pa gran parti pa construi casnan social p’e pueblo trahado, pa construi facilidadnan deportivo, wardanan di Polis, scolnan, casnan di anciano y edificionan di Gobierno.

Awe cu e reunion di Parlamento ta tuma lugar rela-

ciona cu e maneho di otorgamento di terenonan di Gobierno, ta na su lugar pa Minister Benny Sevinger y Minister Presidente Mike Eman splica pueblo e motibo pakico nan Gobierno cu semper tin nan boca yen di ta traha na felicidad di pueblo, no ta percura pa e ciudadanonan humilde bin na remarke pa un tereno erfpacht, pero cu esakinan tur ta bay den man di compinchinan politico kendenan ta haci negoshi di pirata cu e terenonan aki. Palabra ta na Gobierno awe!



**Maneho di vivienda di Gabinete Eman y AVP**



# Xpresa bo mes

## Toko Winklaar masha pabien

**PERMITIMI** un espacio den boso medio di comunicacion pa expresa palabranan di pabien na sr. Toko Winklaar pa su editorial di Dia di Prensa.

Den esaki sr. Winklaar a duna un splicacion al caso di e situacion di prensa na Aruba, unda e periodistanan imparcial ta casi inexistente, sea bo ta un banda of bo ta otro, pero masha tiki ta muestra e imparcialidad cu mester existi entre esnan cu ta informa pueblo.

*Y manera un medio tin  
como logo ta bisa:  
E papiado di berdad,  
nunca lo haya un stoel p'e sinta.  
Y awe mesun coleganan  
di Toko kier colegu'e.*

Loke ta hopi tristo ta pa wak con tin cierto miembro di prensa, cu no por wordo hinca den e categoria di periodista, pasobra nunca di nan bida a pone sikiera un pia den un Universidad of sigui algun tipo di curso, cu a wordo alsa te na un posicion unda nan ta kere ta Dios mes nan ta.

E personahenan aki pa motibonan personal a dicidi di uza medionan di comunicacion pa ataca directamente y na un forma hopi baho y vies mandatorio y representan di pueblo.

Ta nan tin e poder y niun hende por para nan, pasobra tin un of mas man riba nan cabes.

E actitud aki ta di lamenta y condena, pero loke mester lamenta y condena mas t'e falta di accion di e lider di e pais aki, nos Minister President, manera sr. Winklaar a skirbi debidamente.

Un lider cu ta permiti cu su Ministernan wordo ataca y rebaha pa motibonan personal no merece e titulo di lider, mas bien e ta escondiendo y ta mustrandu su falta di capacidad pa t'e lider cu nos isla merece.

Enbes di a actua y para pa su Minister, miembronan di Parlamento y supuestamente amigonan, e Minister President a dicidi di sigui biaha cu e miembro di prensa aki, mescos cu nada no a pasa, lagando su Minister cai manera un patia berde y ilustrando e kiebro den e partido berde.

Algo cu sr. Winklaar a muestra tambe den un di su editorialnan ta cu e problemanan interno cu tin den Gobierno ta problemanan di luho y loke ta pasando for di algun tempo caba ta muestra cu esey exactamente t'e caso,

Ministernan rabia pasobra tin un di su coleganan tin mas placa pa traha cune.

E posible envidia a haci cu nan a uni n'e miembro di prensa pa muestra cu nan ta rabia cu nan colega, cu nan tambe kier un pida di e bolo, enbes di lanta nan atras y bay traha tambe pa nan Ministerio por conta cu e fondonan necesario.

Nan a lubida cu nan colega ta na oficina no 9 or, 10 or of mas laat manera hopi di nan, e ta cuminsa traha fo'i 6 or di mainta y sigui bay te anochi laat.

*Si nan cuminsa traha asina,  
no cabe duda cu nan lo por  
tin mihor resultadonan  
tambe y asina pueblo por  
disfruta di esakinan tambe.*

Sr. Winklaar a presenta e situacion aki na un forma hopi concreto, unda di un banda a muestra cu 1 di September 2016 no tabata un dia pa celebra, sino pa reflexiona riba e situacion penoso di nos prensa local y tambe pa muestra con e bendicion di lidernan di nos pais ta afectando tambe e etica periodistico cu mester existi.

*Masha pabien  
sr. Toko Winklaar,  
nos si ta cu bo!!!*





Preparacion pa sigui un estudio superior

# Academic Foundation Year ta brinda sosten na 68 estudiante



**UNIVERSIDAD** di Aruba ta brinda un caluroso bonbini na 68 cursista pa su programa mas nobo, esta Academic Foundation Year.

Dr. Glenn Thode, rector di Universidad di Aruba durante di e ceremonia di apertura di e programa a splica cu e meta principal ta pa yuda hobennan cu a gradua for di un scol secundario prepara, orienta nan mes miho y haci nan mas fuerte y independiente pa cuminsa un educacion superior cu un bon fundeshi.

Universidad di Aruba a prepara en realidad pa ricibi 40 estudiante p'e programa di un aña, pero e registracionnan a surpasa tur expectativa.

Minister di Enseñansa Michelle Hooyboer-Winklaar a boga pa tur hoben cu kier y a califica pa participa na e programa haya e oportunidad aki, y hunto cu Universidad a traha riba expansion di e capacidad di e programa – cu ampliacion di espacio disponibel y docentenan pa draai e programa - pa logra cu tur 66 estudiante por a cuminsa e siman aki.

Glenn Thode a splica cu e programa ta resultado di e observacion cu hobennan cu ta haciendo e transicion for di un scol secundario pa un scol superior, manera Universidad di Aruba y otro institucionnan den exterior, ta haya nan mes cu dificultadnan pa logra un transicion cu exito.

Analizando e situacion a dicidi pa haci algo pa yuda e studiantenan aki cu ta wordo prepara den e parti cognitivo, pero hopi biaha ta falta competencianan fundamental cu ta un rekisito di e mundo academico.

Thode a bisa cu ta mira den e parti di “actitud” cu e hobennan ta custumbra cu un forma mas pasivo di traha y ta necesario pa yuda nan pa medio di training pa bira mas pro activo.

El a agrega cu tin tambe e factor “skills set”, unda cu e estudiante mester custumbra cu por ehempel haci mas investigacion, y e mester present’e y elabora riba ideanan, tanto skirbi,

como verbalmente. A nota cu e studiantenan toch ta carece tambe di e habilidad y training pa comunica den e sentido aki.

Un otro elemento cu e programa ta enfoca riba dj’e ta miho orientacion riba diferente tipo di estudio. Segun Thode ta splica, Universidad lo provee “sample” di diferente estudio pa asisti e studiantenan den descubri un estudio cu nan por identifica nan mes cu ne, cu nan ta sinti un pasion pa sigui cu ne te na nan graduacion. Identificacion pa medio di experiencia ta un proceso pa yuda e estudiante scoge loke e lo kier haci den su bida como trabao y profesion, loke nan tin e “drive” pa persisti riba dj’e.

Glenn Thode a conclui bisando cu e programa ta basicamente reenforza disciplina y e actitud pa studia den un instituto academico, e ta reenforza e “skills set” y ta reenforza e conocimiento y experiencia di e estudiante encunto kico ta motiv’e, su pasion y e carera cu e ta sinti un anhelo pa forma su mes excelentemente den dj’e.



# Studiantenan di Academic Foundation Year ta prepara un fundeshi pa nan futuro estudio

**GRADUADONAN** di scolnan secundario HAVO y VWO ta wordo ofreci un oportunidad nobo na Universidad di Aruba pa construi un fundeshi mas solido pa nan futuro estudio y carera cu e Academic Foundation Year. Por pasa cu e estudiante no ta sinti'e cla pa scoge un futuro carera ainda, e opcionnan ta asina amplio cu nan tin duda den nan escogencia y nan kier tuma un aña pa enfoca rib'e decision aki.

Tin studiantenan cu sa kico nan kier sigui studia, pero nan kier orienta nan mes miho rib'e experiencia di ta un estudiante di HBO of Universiteit, pa ta miho prepara pa e structura di nan futuro scol. Asina tin diferente motibo pa cual un estudiante ta scoge pa e programa di mas nobo di Universidad di Aruba.

Annemarie Carillo ta un di e studiantenan aki. Como un graduado di HAVO, el a scoge pa e programa aki, cu ta dun'e e oportunidad pa sigui cursonan den management, arte, ciencia, ley y orienta su mes rib'e estilo di bida universitario.

E ta bisa cu e curso ta brinda un base amplio y ta haci e estudiante mas fuerte.

Asina ta yuda hobennan cu a slaag, pero no ta cla pa sigui un estudio superior, of no sa ainda kico nan kier studia pa nan preveni di bay toch y resulta probablemente den un of mas cambio di estudio.

Juan Kelly tambe ta un graduado di Colegio Arubano kende ta atendiendo e programa nobo. El a bisa cu e oportunidad pa

bira mas independiente den studiamiento ta loke a atrae pa registra pa e programa.

Hopi estudiante no tin e disciplina y no ta suficiente independiente, no tin e abilidadnan pa ta riba nan mes pa studia, y biba, den un pais cu nan no conoce ainda. E programa di Universidad di Aruba ta yuda den e proceso aki.

Kelly a agrega cu e mes no ta sinti cu e ta suficiente independiente den su forma di studia y p'esey a scoge pa e programa pa yud'e yega unda cu e ta desea di ta.





# Deloitte Dutch Caribbean a tene su evento social anual na Tierra del Sol




**DELOITTE** Dutch Caribbean a tene su evento social anual recientemente na Tierra del Sol, entreteniendo clientenan distingui, invitado y coleganan pa celebra un conclusion exitoso di e aña fiscal. E evento di e aña aki tabatin un tema special di cultura y arte.

Trahando cu UNOCA, Fundacion Museo Arubano y Nos Cosecha, un fundacion cu ta celebra Diseño y Herencia di Obran na Aruba, Deloitte Dutch Caribbean a invita artista y artesanonan local pa desplega nan creacionnan p’asina tur hende presente por admira nan. E hardinnan di Tierra del Sol a wordo transforma den un galeria di arte den aire liber, mientras cu e invitadonan tabatin e oportunidad pa conoce y combersa cu e artistanan, incluyendo Cado Delannoy, Eliza Lejuez, Mo Mohammed, Amany, Vanessa Paulina, Maria Onni y Armanda Goedgedrag, ademas di Deloitte su exper-tonan di Audit, Consulting, Enterprise Risk Services, Financial Consulting y Tax, mientras cu nan a disfruta di cocktails y hors d’oeuvres.

Un momento special di e anochi a bin ora cu Natusha Croes a declama un poesia increible tocante cambio. Dutch Caribbean tabata honra di por a traha hunto cu UNOCA y yuda realisa e fundacion su meta di integra e cultura y movimiento di arte local den e sector priva. Deloitte ta contento di por t’e lider den e mercado, cu e compania su ekipo experto den riesgo empresarial druk yudando tene e seguridad di nos isla online. E fiesta casual bou di e streanan a conta cu tremendo catering di Tierra del Sol su ekipo di bankete, mientras cu un banda a provee e musica excelente en bibo.

Hopi di e portretnan di e fiesta por ser mira riba e pagina di Facebook di Deloitte Dutch Caribbean. Un danki special ta bay na tur e artistanan cu a participa, como tambe Indra Zaandam, cu a yuda haci e evento posible.

<div><div></div><div>BANCO DI CARIBE</div></div>					
OFFICIËLE KOERSEN TEN OPZICHTE VAN DE ARUBAANSE FLORIN					
GELDIG OP 2 Sep, 2016 EN TOT NADER ORDER					
valuta		aankoop van publiek		verkoop aan publiek	
		bankpapier	wissels, CHQ's reischeques en overboekingen		
Ned. Antil. Gulden	ANG	98.00	100.00	biljetten	100.20
Per ANG 100				chq./overboeking	100.00
Amerikaanse dollar	USD	1.77	1.78		1.80
Canadese dollar	CAD	1.34	1.36		1.38
Zwitserse frank (per 100)	CHF	181.70	182.42		183.22
Pond sterling	GBP	2.30	2.35		2.41
Japanse yen (per 10.000)	JPY	170.55	172.11		173.84
EURO (per 100)	EUR	197.55	199.35		201.36
Deense kroon (per 100)	DKK	25.81	26.53		27.33
Noorse kroon (per 100)	NOK	20.38	21.10		21.90
Zweedse kroon (per 100)	SEK	19.75	20.47		21.27







Cuerpo Policial Aruba ta aclarea:

## No a uza ekipo di K9 di Polis durante razzia den KIA

**DEN** fin di siman un preso a saca potret di su djiente kibra y a mande pa corant, kehando maltrato di Polisnan di e ekipo K-9 cu a tene un razzia diarazon ultimo den e instituto coreccional. “Pero nos kier aclarea cu Polis no a participa den e razzia aki. KIA tin su propio ekipo di K-9 cu nan ta uza pa tipo di trabounan asina”, tabata palabranan di Lito Lacle, vocero di Cuerpo Policial Aruba.

Ta importante pa aclarea e asunto aki mesora pa no crea un impresion cu Polis a drenta KIA pa tene razzia y cu lo a abusa di un preso.

Hecho ta cu a base regular ta tene razzia den prizon, pa purba mantene e lugar mas sigur posibel. Si mira cu presonan mes ta saca potret via celular y manda pa prensa mes ta un motibo dicon ta importante tene e tipo di razzianan asina cu regularidad.

Ta conoci cu KIA tin un comision special cu ta atende cu kehonan di preso relaciona cu uzo di forza excesivo.

Den e caso specifico aki, e ekipo di K-9 di KIA a traha nan raport caba y a entrege na nan Director, den cual a splica kico a sososde.

Ta bon pa splica cu na Aruba autoridadnan ta conta cu tres diferente ekipo di K-9, un di Polis, un di Douane y un di KIA.

Tur ta traha den nan area y ta uza e ekiponan aki na momento cu e situacion of circunstancia ta rekeri.





## Programa di Ansiedad y Rabia presenta na Stichting Adopt an Addict su clientenan



**RECIENTEMENTE** Kem Psychology N.V y Mitsy Willems a trece informacion y tipnan saludabel na clientenan di Stichting Adopt an Addict. E curso tabata di tres dia cu un total di tres ora cada dia, y e tema tabata di Ansiedad y Rabia.

Pakico ansiedad, hopi biaha nos tur ta biba den ansiedad, esaki ta un tema cu hopi biaha e por bira otro tipo di consecuencia manera depresion of hasta di no tin deseo di no biba of e mesun persona cu ta antes un adicto ta pasa den un constante ansiedad pa preveni nan recaída y hopi di nan tambe ta pasa cu nan tin ansiedad y p'esaki nan ta usa droga.

Bao di ansiedad ta bin acompaña cu un self esteem hopi abao, frustracion, sentimentonan di fracaso y un vision negativo di nan mesun existencia.

Especialmente p'e clientenan di Adopt an Addict, cu a pasa dor di hopi den nan bida, e tema di rabia a ser hiba na un contexto di nan emocionnan, con nan mes mester expresa nan emocionnan principal ora di cu nan ta rabia, y ora nan ta den ira.

Hopi biaha ora cosnan no bay bon, persona nan ta rabia cu hopi facilidad, esaki por trece cu ora un persona no controla nan rabia por trece consecuencianan desagradabel, of hasta recaida den nan abstinencia dor cu nan no por expresa na sentimento y emocionan corectamente nan ta tuma e via mas facil siendo esaki un gran consecuencia pa nan mes.

Adopt an Addict y Kem Psychology ta kere hopi den cu mester duna informacion y curso n'e persona nan cu ta bezig ta recuperando y cambiando nan bida asina nan por siña biba nan bida den menos dificultad y tipnan saludable pa nan.

E presentación a cai net bon den e filosofía di Stichting Adopt an Addict cu nan programa di re-socialisacion di e clientenan den comunidad di Aruba. Y danki na contribución financiero di CEDE Aruba, cu por a haci esaki posible.

## Aruba parti di e weganan Paralympico na Rio

**ARUBA** ta forma oficialmente parti di e weganan Paralympico na Rio Brazil.

E ceremonia di bon bini a tuma lugar siman pasa unda hunto cu Grecia,

Iraq, Thailand. Jesus de

Marchena Acevedo ta

sigi trahando hopi duro

pa representa Aruba cu

maximo resultado.

E apertura na Rio lo

tuma lugar dia 7 awor.

Jesus lo competi den e

deporte di landamen-

to, den categoria 50m

pecho y 100m estilo

liber.

Lo tin mas informacion

cu resultandonan riba

e pagina di facebook

di Comité Paralímpico

Aruba.





## Prome Minister Mike Eman a celebra su fecha natal trahando pa pueblo y ricibiendo aprecio di su pueblo



**DEFINITIVAMENTE** Prome Minister Mike Eman por mira atras riba un siman excelente den cual tanto den e aspecto profesional y personal, a conoce puntonan halto di exito y satisfaccion. Ademas di e traspaso di refinaria pa Pais Aruba y entrega di presupuesto nacional prome cu e fecha rekeri y alcansando e obhetivo stipula, e politico y gobernante mas grandi na Aruba a celebra tambe otro aña di bida.

Premier Eman a marca su aña rondona pa famia, colega, amigo y simpatisantenan cu a expresa den diferente forma y na hopi momento, nan pabien y bon deseonan.

For di mainta ora di yega trabou, coleganan di Ministerio di Asunto General, Inovacion, Ciencia y Desaroyo Sostenibel, como tambe di otro Ministerionan a ricibi'e dilanti di su oficina cu serenata di e diferente cancionnan cu cual aki na Aruba nos ta canta riba un fecha special asina.

Dia a sigui cu normalidad y manera t'e caso durante ultimo di diahuebsnan, e mandatario a subi caya y subi den truck di ELMAR pa personalmente trece instalacion nobo di luz den un bario.

E siman aki a toca turno un becindario di Bakval caminda e habitantenan tambe tabatin un brindis prepara pa celebra e fecha natal di Prome Minister cantando y cu bolo. Hopi t'esnan cu a expresa nan admiracion na Premier Eman pa su dedicacion na bienestar di Aruba y su hendenan.

E celebracionnan a yega un punto culminante cu fiesta organisa na Cas di Partido AVP caminda un y tur a yega saluda e cumpleaños como tambe su señora Doina riba e dia special aki.

E celebracion na Cas di Partido a consisti di hopi bon ambiente y entretenimento di algun di e artistanan local mas grandi di actualidad manera Janiro Eisdien y Rocco Franken.

E broche di oro a bin cu presentacion di Mariachi, kendenan a deleita Prome Minister y tur esnan presente cu bunita serenata.

Na tur momento Prome Minister Mike Eman a sa di aprecia y gradici cada un y tur e gestonan di aprecio di e manera humilde y sincero cu semper ta carateris'e. Tambe ta gradici tur esnan cu ta yud'e dia pa dia den e trayecto aki di servicio publico pa nos isla y cu ayera a tuma e tempo pa celebra hunto cu ne.



Minister Michelle Hooyboer-Winklaar:

# Academic Foundation Year a nace for di un necesidad pa mas sosten



E hoben cu ta caba HAVO, VWO of EPI y ta desea di sigui un estudio superior ta confronta cu diferente elemento cu ta of por strob'e den su desaroyo na un institucion di estudio superior, manera HBO y Universiteit, sea localmente of den exterior.

E programa nobo di Universidad di Aruba, esta "Academic Foundation Year" a nace for di resultadonan di combersacionnan tocante e necesidadnan di e studentenan y evaluacionnan di con por yuda nan den e desaroyo di cierto habilidad nan y cierto talentonan, y con pa asisti nan den scoge e estudio cu ta pas miho cu nan.

Minister di Enseñansa, Michelle Hooyboer-Winklaar a traha di cerca cu Universidad di Aruba den e proceso di crea e programa di un año, cual a rekeri no solamente diseño di un curriculo nobo, pero tambe mester a pone e fondonan disponibel, tanto durante di e fase di sondeo y planning, como den e fase mas recien, pues den su preparacion y ehecucion. Fondo Desaroyo Aruba y Ministerio di Ense-

ñansa a provee e fondonan necesario.

E programa aki ta algo cu pa bastante tempo a nota un necesidad p'e.

Universidad di Aruba a anticipa participacion di 40 estudiante, pero despues cu a ricibi mas di 100 aplicacion, Minister Hooyboer-Winklaar y e Universidad a reuni pa busca formanan pa acomoda tur estudiante cu ta cualifica y ta desea di participa na e curso.

A provee extra espacio cu mester a wordo construi y keda cla na tempo. Despues cu algun a dicidi toch di cuminsa un estudio di biaha y algun otro mester a haci nan ultimo año di nobo, e programa a cuminsa e siman aki cu 66 estudiante.

Minister Michelle Hooyboer-Winklaar a expresa cu ta un placer pa e ta presente na e apertura di e programa, y e ta hopi contento pa mira cu hobennan cu a sinti e necesidad pa un año preparatorio tambe a acudi y haci bon uzo di e oportunidad unico cu Universidad di Aruba ta brinda nan.

E studentenan tin diferente necesidad. Tin algun cu no sa kico nan kier haci ainda, tin cu no sa kico nan kier studia, ki estudio ta pas miho cu nan; tin cu no ta sigur cu nan escogencia original ta loke en realidad nan kier, y tin otronan cu no sa ki pais nan lo bay scoge ainda pa nan estudio.



E mandatario a bisa cu su punto di salida ta cu unda cu tin un demanda mester busca un forma pa brinda e servicio, y e ta contento cu e colaboracion di parti di Universidad y FDA cu su ministerio pa logra pone e programa aki hunto y pa ehecute.

Minister Hooyboer-Winklaar a laga sa cu e convenci cu e miho manera pa ta exitoso ta pa tin un bon fundeshi, y esaki e hobennan aki ta haciendo pa medio di e curso. Asina nan keda cla y nan scoge nan estudio lo nan tin mas seguridad y lo nan ta para mas fuerte pa cuminsa y completa un estudio cu exito.



TRASH Store a caba di ricibi impactante  
coleccion p'e dama cu mas curva

# E TENDENCIANAN DI **FALL 2016** YA CABA TA DEN BOUTIQUE







**UN** otro temporada di moda ta na porta. Otoño 2016 ta trece cune propues-  
tanan di moda sumamente interesante.

Estilonan diferente y colornan mas profundo. E tono, segun pasarelanan  
internacional, ta uno di tera.

E colornan berda, di “moss green” pa “green leaf” ta sumamente in actu-  
almente. Tambe pensa riba tur tono di desierto, for di creme pa khaki  
te na “bark” (cu ta un color bruin scur).

P’e amantenan di color sigur tin opcionan electrificante. Tononan di  
oranje for di “sunset orange” te na “tangerine” y tambe cora manera “mer-  
lot” y “brick y apple red” sigur tin un presencia notable den e tendencianan  
di e temporada.

Estilonan “casual chic” cu un aire di sofisticacion t’esnan mas dominante  
actualmente. Pensa riba un aspecto nostalgico y retro caminda cu e estilonan  
di antes ta tuma “center stage” p’e temporada.

TRASH Store ta presenta tur e tendencianan di moda pa Plus Size y ta con-  
tento di por anuncia cu ya caba e estilonan di Fall 2016 ta den boutique. E  
boutique ta situa na Sibeliusstraat # 8 na Playa y ta habri di dialuna pa  
diasabra di 10’or di mainta te cu 7’or di atardi non-stop.

Cu amplio parkeerplaats gratis e ta un favorito p’e comunidad di Aruba.  
Pa mira mas di e coleccion di TRASH Store por bishita nan pagina riba  
Facebook cu ta TRASH BY RONCHI.



## Praktijkondersteuner pa Dokternan di Cas ta forma un vinculo importante entre dokter, pashent y tratamento



UN esfuerso di diferente stakeholder, manera Ministerio di Salud Publico, AZV, Wit Gele Kruis y Asociacion di Dokternan di Cas a logra pa awor a certifica e “Praktijkondersteuners” oficialmente. E curso a tuma luga na Aruba mes, den cual awor tur 12 ta rib’e mesun nivel y por brinda e mesun bon servicio y guia na pashentnan cu ta bishita nan dokter di cas diariamente.

Algun aña pasa a cuminsa na Aruba cu “Praktijkondersteuners” na oficinanan di dokternan di cas pa brinda pashentnan un guia adicional pa enfermedadnan cronico.

A cuminsa cu 6 praktijkondersteuners y actualmente ta expandiendo e team cu 6 persona mas.

E nursenan cu ta traha como “praktijkondersteuners” ta ricibi un curso actualmente p’asina nan funciona riba mesun liña y ta duna e mesun informacion. Nan ta enfoca riba enfermedadnan cronico, principalmente diabetes, presion halto y colesterol halto.

Pa algun tempo caba e team tabata boga pa yega na un curso pa tur traha rib’e mesun liña. Ademá, e dokternan di cas mester a custumbra di traha cu “praktijkondersteuners” y e pashentnan mester a custumbra cu e presencia di un persona adicional cu ta traha den e oficina di dokter pa brinda nan un extra guia.

Jasmira Croes-Mora y Jetty Croes-Wever ta entre e 6 prome nursenan cu a cuminsa traha como “Praktijkondersteuners” na Aruba. El a splica cu nan trabao ta encera hopi splicacion y intercambio di informacion. Unda cu e dokter di cas hopi biaha no tin suficiente tempo pa splica e persona con su enfermedad ta hincá den otro exactamente, praktijkondersteuner ta tuma su tempo pa duna tur splicacion di e prevencion di cierto enfermedadnan cerca pashentnan di riesgo halto y pa splica su enfermedad na e pashent cu ya ta ricibiendo tratamiento of ta cuminsando cu tratamiento.

E nurse aki tambe ta splica e pashent con pa haci uzo di remedinan, pakico e tin cu tuma su tratamiento, y otro factornan manera nutricion y ehercicio, cual ta forma un parti esencial di e tratamiento di tur enfermedad cronico.

Tin pashent no ta compronde cu nan enfermedad ta cronico, pues cu e ta algo cu e lo tin pa resto di su bida. Aki ta unda cu e “praktijkondersteuner” ta brinda extra guia, nan ta pone énfasis riba con importante e ta p’e pashent tuma su remedi y nan siña e pashent con pa incorpora nan remedi y otro cambionan di nan estilo di bida di tur dia.

E praktijkondersteuner tin un oficina den e “praktijk” di e dokter di cas, unda cu e pashent tin su privacidad pa haci pregunta y papia



tocante di su enfermedad. Ta su mesun dokter di cas ta “verwijs” e pa e praktijkondersteuner. Jetty Croes-Wever ta splica cu hopi biaha e pashent ta pensa durante di e prome bishita cu e ta un dietista, como cu nan funcion no ta uno conoci na Aruba.

Ademá di traha cu pashentnan cu ya tin un diagnosis pa un enfermedad cronico, e praktijkondersteuner ta yuda identifica tambe pashentnan cu ta riesgo pa haya diabetes. Pues, e tin un funcion preventivo tambe. El a agrega cu un cos cu e pashentnan ta bisa cu nan ta gusta ta cu e praktijkondersteuner tin mas tempo pa duna mas splicacion y informacion y nan por bin cu pregunta ora cu mester. Nan accesibilidad pa e pashent ta bon.

E reto mas grandi cu nan ta identifica cerca pashentnan ta e necesidad pa mas informacion, incluyendo conocimiento di nan enfermedad y conocimiento di pakico y con nan mester tuma nan remedinan. Un praktijkondersteuner por atende entre 10 pa 15 pashent pa dia, dependiendo di e orario di e praktijk di e dokter di cas unda cu nan ta trahando.

**AWEMainta**  
e corant di Toko  
**Tel: 583-1400 Fax: 583-1444**



Gradiciendo tur medio di comunicacion pa nan sosten!

# Aruba Bank a celebra "Dia di Prensa" den estilo "Western"



**ANUALMENTE** Aruba Bank, como muestra di aprecio, ta celebra Dia di Prensa den compania di miembran di prensa local. E aña aki, pa celebra y gradici e trabao cu prensa Arubiano ta haci tur dia, Aruba Bank a organisa un "Thank You" event na Villa Floralina.


Durante di un celebracion ameno a la "Western", Departamento di Mercadeo & Relacionnan Publico, miembran di gerencia di Aruba Bank, y representantenan di nos medionan di comunicacion, a comparti y disfruta di diferente wega, incluyendo Seso Sport "Hersengymnastiek" cu premionan atractivo como "Reward".

E miembran di prensa por a saca un potret personalisa y hiba esaki cas como recuerdo di e tremendo dia aki.

Aruba Bank a scoge pa expresa nan gratitud na un y tur cu ta realisa e trabou exigente y importante di mantene nos comunidad informa tur dia. A yama prensa danki pa e sosten cu semper Aruba Bank a ricibi di tur medio di comunicacion di nos isla y p'e bon colaboracion ricibi.



## Dianan 16, 17 y 18 di september, Aruba Art Fair Transformando San Nicolas



**ARUBA** Art Fair (AAF) e Festival di Arte cu ta carga na curazon e meta pa uni arte, artista, y artesanonan na Aruba y asina aki crea conexion entre nos artistanan local cu plataforma nan creativo internacional.

Danki n'e sosten di Ministerio di Cultura, Departamento di Cultura y Oficina di Turismo awe San Nicolas ta drenta un fase di revitalizacion pa logra e meta pa yega bek n'e ciudad di herencia cu cultura di Aruba.

Cu esaki ta crea un atracccion mas facinante y cultural pa tanto local como nos bishitantenan cu buscando pa conoce mas di e cultura y tradicionnan di e paisnan cu nan ta bishita.

Ta trata aki di un hornada extremadamente facinante pa Aruba, unda cu e Aruba Art Fair Team a prepara diferente competencia riba nivel artístico entre artistanan local y scolnan p'asina 'ki deleita y inspira publico riba loke ta bay tuma lugar 16,17,18 di september.

AAF a bin cu e tremendo iniciativa pa crea un ruta pa hiba Aruba completo San Nicolas september, por medio di diferente elemento artístico envolviendo comunidad.

Ta trata aki di e Aloe 125 cu a selecta 10 artista pa crea un piesa di arte di Aloenan sculpta na man pa dos artista hopi renombra na Aruba, Edmond Tejeehut y Frank Croes.

Tambe a crea e Culinary Competition, cu a sa di uni studiantenan di EPB y EPI den team cu chefnan ehecutivo di hotel renombra na Aruba, pa hunto crea un dessert inspira pa un obra di arte.

E competencia aki a tuma lugar diasabra ultimo 3 di september den e cushinanan di EPB, unda cu famia y amigonan a bay apoya nan team favorito. E competencia culinario aki a haya masha hopi atención mes via rednan social.

Entre e competencianan AAF a 'pop-up' na diferente localidad promoviendo no solamente e Festival di Arte, pero tambe a pone nos artistanan local prome y a inspira e publico pa participa cu colabora hunto na un obra riba canva durante e diferente evento y hotelnan.

Pa loke ta trata e 3 dianan icono unda arte, artista y artesanonan local e internacional lo ta 'center stage', lo haci e gran apertura riba dia 16 di september unda a organisa un auction dinner pa recauda fondo pa inverti den e sector di arte na Aruba y a combina esaki cu un elemento fabuloso 'Fashion meets Arts Show' den colaboración cu diseñadornan local manera Maria Theresa Madariaga & Luis Benjumea, Gigiola Gomez, Eliza Lejuez, Rhona Lemminga, Gionina Engelhardt, tambe nos lo yama bon bini n'e internacional Aruba lo haya oportunidad pa conoce e cas di moda di Atelier Dore y David Paulus.

Tur esaki den centro di San Nicolas. Tambe San Nicolas lo pasa den un fase di transformacion unda edificionan lo wordo bisti den un bachi nobo, mas colorido y artístico crea pa artistanan internacional y local.

Ya caba Aruba por a disfruta di epiesa único di e Yuwana traha pa artista int' Bordallo II y

tambe por a ripara stoelnan wordo decora pa arte di Mosaic di artistanan local.

Na mes momento Aruba completo su sector artístico lo por wordo inspira durante e tayernan duna pa artistanan local y internacional cu lo siña nos mas di tecnica, pensamiento pa crea, y ehecucion di cada un di nan proyectonan. Pa participacion cu e workshops por registra via nos website [www.arubaartfair.com](http://www.arubaartfair.com)

Durante e 3 dianan aki di e magno evento, Aruba y San Nicolas lo resplandece dor di tur e expresionnan artístico cu lo carga centro di San Nicolas por completo, unda lo tin diferente pop-up di artistanan local y internacional, Korteweg, Cosecha workshop store, Museo Comunitario y Industrial habri pa publico, música y diferente presentacionan artístico en bibo y un sin fin di atraccion pa grandi y chikito.

### CALLING ALL ARTISTS:

AAF team kier invita tur artesano y artistanan local cu no a logra registra ainda pa haci esaki mas pronto cu ta posibel p'asina aki hunto nos expone e balor artístico di cada talento di nos yiunan di tera.

Pa mas informacion con pa participa por bishita nos website [www.arubaartfair.com](http://www.arubaartfair.com) Aruba completo ta cordialmente invita pa bin conoce San Nicolas den otro luz, bin disfruta di tur e expresionnan artístico, Festival di Luz y mas cu tur cos bin sostene nos artistanan local y San Nicolas.



# VCT ta organisa "Opendag" pa muchanan cu kier cera conoci cu deporte di ciclismo



VCT ta un club di ciclismo funda na maart 2013 cu e meta di e. o. desaroya atletanan hoben den e deporte di ciclismo, tanto den e disciplina Mountain Bike como Road Bike.

Den cuadro di esaki y cumpliendo cu nos meta, e aña aki dia 11 di september 2016 VCT ta organisando un "Opendag" pa muchanan entre 6 pa 14 aña cu ta desea di cera conoci un tiki mas cu e deporte di ciclismo.

Mayornan si bo yiu ta interesa pa siña core bais y siña tecnicanan nobo pasa cerca nos na veld di Ayo di 8:00 am pa 11:00 am.

Si e mucha no tin bais esey no ta problema. Por pasa na Radio Shack pa reserva un bais na e mucha su size asina por bin practica un poco y pasa dushi hunto cu nos muchanan di VCT.

Di antemano nos di VCT ta gradici Tommy Pieters di Radio Shack pa pone baisnan disponibel pa e "Opendag".



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Laga tur locual,  
cu ta sperami ta bunita.

Laga tur locual, cu mi encontra na caminda ta bunita

Laga tur locual, cu ta rondonami ta bunita

Laga tur locual, mi a laga atras keda bunita

Y laga esaki nan termina den tur bunitesa

Cu hopi tristesa nos ta anuncia cu a bai sosega den braza di  
Senor:



**ELKA BOEKHOUDT**

Acto di entierro lo wordo anuncia despues.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

The Lord is my Shepherd, I shall not want  
He makes me lie down in green pastures  
He leaded me besides still waters: He restores my soul  
And I will dwell in the house of the Lord forever  
Psalm 23



**Teodulo Taciano Toppenberg**

Better known as: "Tuyo" or "Opa"

\*12 September 1926 - †28 August 2016

Left to mourn are his:

Wife: †Paula H. Toppenberg-Brooks

Children: Judith Sillie-Toppenberg and family  
Edgar Toppenberg and family  
Angel Toppenberg, Anna Kelly and family  
Luti Toppenberg,  
Ingrid and Julean Stamper and family

Grandchildren: Juderica, Jermain, Judeline,  
Richinel, Jaythan, Meliza

Greatgrandchildren in Aruba, Curaçao and Holland

Brothers and sisters: †Jilberto Toppenberg and family  
Luchi Holmond -Toppenberg and family  
Eddy Toppenberg and family  
Marina Holmond-Toppenberg and family  
Atala Toppenberg and family  
Nora Tjen-A-Koei

Nephews and nieces to many to mention.

Friends: Compader Stanley Illidge and family  
Lucas Maduro and family  
Gerard Pourier and family  
Emo y Charlie and family  
Wathey Cardoze

Ex pensionado di W.E.B. NV

Family: Toppenberg, Sillie, Holmond, Escalona, Delanoi, Cortes, Spencer, Kock, Gomez, Picus, Enfrosina, Lack, Carty, Hazel, Gumbs, Richardson, Dollison, Wilson, v/d Biezen, Kelly, Stamper, Maduro, Huntington, Gracia, Fenton, Maxwell, Howard and other families abroad Curaçao, Holland and U.S.A

Please accept our apologies if in our moment of grieve we forgot to mention any family member.

The farewell ceremony will be held at Aurora Funeral Home on Monday September 5th from 9 to 11 pm.

Opportunity for condolences at Aurora Funeral Home on Saturday September 3rd from 7:00 pm to 9:00 pm

After farewell service there will be no condolences at home.

## Servicio pa Comunidad



### Emergencia

Brandweer ..... 911  
Polis ..... 100  
Polis Oranjestad ..... 102  
Polis San Nicolas ..... 104  
Polis Santa Cruz ..... 105  
Polis Shaba ..... 107  
Polis Tipline ..... 11141

Ambulance San Nicolas ..... 584-5050  
Ambulance Sasaki ..... 582-5573  
Ambulance Wayaca ..... 582-1234

Hospital ..... 527-4000  
Centro Medico San Nicolas . 524-8833  
SVB (AO-Ziek melding) ..... 527-2782

### Botica na Warda

**Pabou di Brug:**  
Dakota N.V.

**Pariba di Brug:**  
Seroe Preto N.V.

### Dokter na Warda

**Pabou di Brug:**  
Huisartsenpost Hospital  
**Pariba di Brug:**  
Centro Medico San Nicolas

### Servicionan

ELMAR Storingdienst ..... 523-7147  
SETAR Storingdienst ..... 117  
Digicel ..... 145  
WEB Storingdienst ..... 525-4600  
Reina Beatrix Int'l Airport ..... 524-2424  
Serlimar ..... 584-5080  
Arugas ..... 585-1198  
Guarda Costa ..... 913

### Funeraria

AD Patres ..... 584-2299  
Aurora ..... 588-6699  
The Olive Tree ..... 582-0000

### Fundacion

Rode Kruis Aruba ..... 582-2219  
FADA ..... 583-2999  
Fundacion Respeta Mi ..... 582-4433  
Fundacion Guia Mi ..... 587-1677  
Muhe den Dificultad ..... 583-5400  
Telefon pa Hubentud ..... 131  
Centro Kibrahacha ..... 588-3131  
Stichting Bloedbank ..... 587-0002  
Mary Joan Foundation ..... 588-9999  
Koningin Wilhemina Fonds ... 582-0412  
Fundacion Pa Nos Muchanan.. 583-4247

### Cas Editorial



### The Media Group

Margrietstraat #3  
Oranjestad, Aruba  
Tel: 583-1400 Fax: 583-1444

### Orario di Oficina

Dialuna - Diabierna  
8am - 5pm

### Cuenta di Banco

CMB #22982600

### E-mail

**Redaccion:** noticia@awemainta.com  
**Aviso:** aviso@awemainta.com

**Subscribi na:** notica@awemainta.com

### Director


**Victor "Toko" Winklaar**  
**Victor R. Winklaar**



# Haya bo corant tur dia den bo inbox

**Registra Awo na**


**noticia@awemainta.com**



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur bunita.  
Cado Wever.

Cu hopi tristesa pero conforme cu boluntad di Dios nos ta  
anuncia cu a bay sosega den brasa di Señor



## Lidwina Maria Dirksz

Mihor conoci como "Lika"  
\*21-04-1954 - †21-08-2016

Acto di entierro lo wordo anuncia despues



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Pa medio di esaki famia kier a gradici  
tur esnan cu di un manera of otro a muestra  
nan atencion y a duna nos sosten durante  
fayecimento y despedida di nos defunto stima:



## Ingrid Veneranda Geerman

Gradicimento ta bai na tur famia stima,  
amigo y conocirnan cu a duna nos  
sosten durante e momentonan dificil.  
Na tur mensahe, yamada, flor, krans  
cu nos a ricibi.

Na e cantantenan, cu a canta asina bunita.  
Un danki ta bai pa Smith & Dorlas Pinnochio Party Rental,  
famia Tromp-Vroljik, famia Hoo, Serlimar,  
Dow y na su coleganan cu semper a stime di Diamonds  
International.

Danki na Eerste Hulp, ICU, specialmente Dr Croes,  
Dr Tonk, Dr di Caudo, Sra Halabi y demas enfermeronan.

Alaves nos ta invita boso pa 3 Santo Sacrificio di  
Misa pa nos defunto stima. Dialuna 5 September,  
Diahueps 8 September y Diasabra 10 di September 2016  
Pa 7or di anochi na Misa Santa Filomena na Paradera.  
Danki di profundo di nos curason. Despensa nos, si den  
Nos tristesa nos por a lubida un of otro persona.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur bunita.  
Cado Wever.

Cu inmenso dolor den nos curason  
nos kier a anuncia fayecimento di :



## Leonardo Pereira Gonçalves Ameixa

Mihor conoci como "Leo"  
\*14-01-1949 - †31-08-2016

Acto di entierro lo wordo anuncia despues



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur bunita.  
Cado Wever.

Cu hopi tristesa pero conforme cu boluntad di Dios nos ta  
anuncia cu a bay sosega den brasa di Señor :



## Fulgenio Castro Rosa

\*16-01-1958 - †24-08-2016

Yuinan : Joshua Simmons

Rumannan : Antonia Castro  
Leocadio Castro

Subrino(a)nan : Bladimir, Yaquelin, Gricelda, Irys, Leny, Ivelice,  
Elen, Marisa, Juanito, Polo, Nelson, Jonathan  
Primo(a)nan, amigo y conocirnan, bisñanan  
Demas famia : Casto Rosa, Pichardo, Almonte, Ureñas britto,  
Brete, Meran Ventara, Werleman

Ta invita pa acto di despedida cual lo tuma lugar na Aurora  
Funeral Home diamars 6 september 2016 di 2'or pa 4'or di  
atardi.

Cremacion lo tuma lugar despues den ceno familiar.

Nos disculpa si den nos tristesa nos por alubida cualkier  
persona



Despues di demasiado tempo

## Unit Managernan di Colegio EPI ta reanuda trabou despues cu Minister Hooyboer-Winklaar a acepta condicionnan stipula pa SIMAR

A pesar di contratiemponan cu e caso aki a trece cun'e, directiva di SIMAR por mira atras riba un lucha cu a termina diabierna ultimo na favor di su miembronan, e Unit Managernan di Colegio EPI. E acuerdo entre Minister di

Enseñansa y SIMAR/ Managernan a ser firma despues cu e concepto traha pa abogado Faarup y Figaroa a bay y bin diferente biaha pa adaptacion. E producto final, consistiendo di diferente punto, in-



cluso e peticion principal cu a tranca e negociacionnan, cual tabata pa pone un tercer persona na disposicion pa asisiti e Unitnan cu dos Manager cu tur responsabilidad y derecho pa tuma decision aserca, a sera e negociacion.

Ta di lamenta cu Minister di Enseñansa, Director di DPS y Directie di EPI, como superiornan di e Managernan a scoge te na ultimo ainda rib'e anochi di e kortgeding, pa purba di difama Managernan siendo nan propio empleadonan cual absolutamente no a yuda pa yega na e solucion.

SIMAR ta di opinion cu e caminda pa yega na culminacion di e caso tabata demasiado largo, specialmente si menciona cu e punto di un tercer persona a ser treci dilanti ya for di dos siman pasa

dor di SIMAR, sin cu a ricibi reaccion alguno di Minister. Un siman despues, rib'e mesun dia cu studentenan a anuncia manifestacion, SIMAR a ser notifica di e kortgeding cu meta pa manda e Managernan reanuda trabou. SIMAR, e Managernan, incluso Hues a keda babuca na momento cu Abogado di Minister a bisa den sala durante tratamento di e kortgeding, cu Minister a acepta e proposicion aki y cu e tabata en espera di un lista di docente apunta p'e tarea extra. Esaki mientras cu e mesun mainta Minister a declara den noticieronan di no ta acepta esaki.

Esaki a pone cu mas cu logico Hues no a nenga e derecho di welga y a duna indicacion pa Minister reacciona riba e proposicion di SIMAR y

pa partidonan bay bek den negociacion.

Esaki a transforma den e documento cu despues di a haci algun ahustacion chikito a yega na producto final cu diabierna a ser firma pa Managernan y SIMAR. Esaki a nifica na e mesun momento cu Managernan a bay di acuerdo pa reanuda trabou na un 100% desde dialuna.

E. o. a acorda cu nan lo evalua e situacion, dunando prioridad na e formacion di periodo 1 y lo percura pa normalisa y trece tranquilidad na e situacion mas pronto cu ta posibel cu bienestar di enseñansa en general na EPI den mente.

Durante trayectoria di tratamiento di e caso aki, te na momento di tratamiento di e caso den corte, SIMAR a realiza cu hopi actor importante no conoce historia di EPI, no conoce e contenido di EPI y no ta consciente di e contenido di e tarea, di e responsabilidad y di e importancia di presencia di Managernan di EPI p'e funcionamiento optimal di e instituto.

Cu esaki SIMAR ta cera un capitulo mas di su historia y ta manda e mensahe na tur docente: Si abo como docente ta traha den un situacion inaceptabel y bo ta sinti cu ta trapa bo derechonnan, bo tin tur derecho di manifesta, protesta, demostra y welga pa muestra bo malcontento. Mas cu cla a keda demostra cu union ta haci forsa.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Senor ta mi wardador, min tin falta di nada  
Den cunucu di yerbe berde, e ta ponemi sosega  
E ta Hibami na awa trankil, pa mi bolbe hanja forza

Cu inmenso tristesa, pero agradecido  
pa tur e amor y cariño cu ela duna nos, nos ta anuncia  
fayecimiento cristianamente di nos tata, welo, bisawelo



### Sr: Selsio Damasco Albert

Vuido di: Rosita (Ninita) Albert  
22 Maart 1937- 31 aug 2016

Ex empleado di:  
Jossy Motors  
Toyota Garage  
Paisa Garage

Na nomber di su:  
Yiunan:

Laida Cijntje y famia  
Johnny Martis y famia  
Melina y Bellony Paul Albert y famia  
Juni y Grace Albert y famia  
Roberto Albert y famia  
Richard Albert

Su nieto(a)nan, bisanieto(a)nan, su famianan na Curacao, subrino(a)nan, comer y compeman, su amigonan, bisianan, suegro(a)nan, excolega nan, personal y compañeronan di thuiszorg Jaburibari, y demas famia Albert, Cijntje, Paul, Martis, Ras, Vieira-Alves, Loefstop, Geerman, Jacobs, Fabus, Kwuidama, Munzenhofer, Dijkhoff, Maria, Tromp, su bon amigonan Jossy Giel y Pedro Dania

Ta invita na e acto di entierro cual lo tuma lugar dia 6 September 2016 di 9or te 11or di mainta den Aurora Funeral Home, despues saliendo pa Santana Catolico Pastor Kraanwinkel na Paradera.

Nos ta ricibi bishita di condolencia dia 5 September 2016 di 7or pa 9or di anochi na Aurora Funeral Home.

Despensa nos si den nos tristesa nos por a lubida algun familiar.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur bunita.  
Cado Wever.



### Rosaria Koolman

Mihor conoci como "Jojo"  
07-10-1932 - "31-08-2016

Acto di entierro lo wordo anuncia despues



# Aruba Lions Club a entrega e cinco premio na e ganadornan di e rifa "From the Community to the Community" 2016



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Entre tus manos Jesus soy feliz, soy feliz porque gracias a ti puedo vivir nuevamente"

Den number di:  
Aldair y Gerson Croes  
nan tata Humphrey Croes  
Ta participa fayecimento di nan mami y ser stima



**Juliana Ricalda Winterdal**

\*07-02-1959 - †31-08-2016

Mama: Leoncia Veronica (Oncha) v/d Biezen

Mayoman: †Hipolito y †Mercedes Tromp-v/d Biezen

Rumannan: Myrna y Alberto v/d Biezen-Winterdal y yiu Jacobo Winterdal y yiuana Rafael y Sasha Winterdal-Colina y yiuana Benjamin Winterdal Prisca Winterdal y yiuana Valentino y Omaira Geerman-de Cuba y yiu

Rumannan di crianza: Linda y Ephrem Croes-Tromp y yiu Patricia Tromp y yiuana Glenda y Pete Geerman-Tromp y yiuana Liesje Tromp

Manera nieto: Amelia, Giomar, Raymar Ras

Tanta stima: Mary Giron-v/d Biezen y famia

Sobrina y sobrinonan, tanta y omonan, prima y primonan, cuña y swanan, comer y compeman, ihanan, madrina y padrinonan

Mihor amiganan: Natasha Willems, Ludmilla Croeze

Bisiñanan di curason: Fam. Walter y Edna Arends

Bisiñanan stima: Maria y esposo Luis Ellis, Angelica Monsalve, Angelica Barboza, Nelly Barboza, La Tia, Vicente, Diana Demas famia: Croes, Winterdal, v/d Biezen, Tromp, Geerman, Giron, Pourier, Colina, de Cuba, Rego, Sherwood, Wernet, Maduro, Willems, Ras, Ruiz, Angela, Janga, Wolf

Ta invita pa e acto di despedida cu lo tuma lugar diahuebs 8 di september na misa Sagardo Curason na Savaneta di 2'or pa 4'or di atardi, despues nos defunto stima lo wordo crema den seno familiar.

Adres pa condoncia: Aurora Funeral Home, diaranson 7 di september di 7'or pa 9'or di anochi.



**ARUBA** Lions Club ta trahando duro pa sigui cumpli cu nan tarea pa cu comunidad di Aruba. Ademas di e rifa grandi cu nan ta organisa anualmente di un cas, cu ta haciendo pa mas cu 25 aña caba, a dicidi di organisa otro rifa cu premionan atractivo.

E rifa "For the Community to the Community" a bay masha bon mes, segun Presidente Randolph M. Vrolijk, kende tabata encarga pa coordina e Proyecto aki, cual tabatin e meta pa recauda extra fondo pa Aruba Lions sigui ta activo den comunidad. "Nos di Lions tabata hopi contento con e rifa aki a bay. E ta algo extra cu normalmente nos no sa haci."

E rifa aki a brinda e chens pa cinco persona gana un premio. E sorteo a tuma luga na Topcar unda cu e premionan a keda saca. E di cinco premio a cay rib'e number 16251 cu e ganador a keda den persona di G. Roga y a bay cas cu su 1000 florin. E di cuatro premio ta 14380 cu ta dos Mountain Bike y e ganador a keda den persona di H. van den Berg, e di tres premio cu tabata un laptop a cay rib'e number

17180 cu M. Ras ta e ganador, di dos premio tabata un biahe riba crucero ta 09909 cu Airport Aruba N.V. a bay cu e premio y e maximo premio cu tabata un auto a cay rib'e number 18158 y e ganador a keda den persona di Dyon Croes.

Aruba Lions kier manda palabra di gradicimento na comunidad Arubano cu a coopera cu nan organisacion pa haci e rifa aki uno exitoso. Di e forma aki Aruba Lions ta haya fondo extra pa sigui duna nan contribucion na miembronan di e comunidad.

Di otro banda, Presidente di Aruba Lions Club ta informa comunidad pa keda pendiente pa nan rifa grandi mes cu ta un cas, cu nan a cuminsa traha riba dj'e.

E sorteo mes lo tuma luga otro aña, ya cu awor nan a keda cla cu e tereno y ta bay traha rib'e diseño. Nan ta spera di haya un biaha mas e cooperacion di comunidad mirando cu e club ta celebrando 70 aña di existencia y cu por medio di e rifanan aki nan por sigui Brinda servicio, no solamente den cantidad, pero tambe den calidad na pueblo di Aruba.



# Xpresa bo mes

## Eagle Beach ta wordo uza como toilet pa cacho

Skirbi pa: **Noris van Lis-Donata**



**DIASABRA** mainta ultimo, un cacho a cana los for di su doño y bay deposita su sushi cu permiso di su doño riba nos santo blanco na Eagle Beach. E doño a para ward'e y ora el a cla di deposita su sushi, el a cana bay bati rabo cerca su doño.

E doño a dun'e un schouderklopje y dun'e un kuki como recompensa pa su prestatie.

E doño no a ril ni move pa bay lanta e sushi di su cacho for di e santo blanco.

Ey cerca tabatin un famia cu ta campa cu un par di mucha chikito. E muchanan tabata hunga den santo y den awa. E muchanan a para wak e cacho sin por haci nada. Mas laat lo bin otro muchanan pa hunga ey banda. E santo ta contamina cu bacteria di sushi di cacho.

Nan no sa y nan ta traha figuranan cu e santo contamina.

Ta tristo con tin hende ta menosprecia nos beachnan. Nan ta usa nos beachnan como toilet pa nan cacho.

Na otro pais nos ta mira cu tin borchí pa prohibi cacho di cana riba beach unda hende ta frecuente. Un suplica urgente na DOW y otro instancia di Gobierno encarga cu reglamentacion pa cuida nos beachnan dor di pone borchí pa prohibi cacho riba beach unda hende ta frecuente.

Sigur cu nos ta stima cacho, pero nos ta stima nos muchanan tambe y nos kier cuida nan salud. Nos ta responsabel pa nos muchanan por hunga den luganan teni limpi y higienico.

Si no por haci esaki, anto cu urgencia nos mester di borchí pa prohibi ciudadano cana keiro cu cacho riba nos beachnan.

## MISSING

## PERDI

## VERMIST



**POLIS** kier sa di paradero di Leopold Willems, naci na Aruba, dia 15 di november 1943.

E ta biba na Paradera 159, pensionado. E ta midí +/- 1.62 meter. Ta papia Papiamentu Hulnades. E tin un polo shirt cora bisti y un carson blau scur. Ultimo biaha cu nan a mir'e Leopold Willems ta core un biscleta pa hende muher, color blanco. Ultimo dia cu nan a mir'e tabata diabierna dia 2 di september n'e direccion menciona. Leopold Willems ta un paciente di curazon.

Esnan cu por sa di su paradero, laga su famia na Paradera 159 sa, of por yama Polis na 100, 911 of tipline di Polis, 11141.

Of tuma contacto cu su dunador di cuida na 561-3792.



Bordalo II di Portugal marcando historia Internacional pa Aruba

## Un animal mester wordo mira como parti di un comunidad, p'asina evita su extension



**BORDALO II**, un artista cu ta biaha rond di mundo cu e mensahe semper pa conservacion y proteccion di nos animalnan, t'e prome artista den su genero cu ta di bishita na nos isla p'asina laga su marca atras.

No solamente como artista, pero tambe como ser humano lo e kier laga e mensahe atras pa conservacion di nos naturalesa y su animalnan.

Nos yuwana ta ser mira como un animal colorido y den e areanan turistico hasta como un mascota.

Diariamente rond di piscinanan di varios di nos hotelnan nos ta haya e animal aki cu ta wordo admira y masha hopi t'esnan cu tin un of otro recuerdo pa eternidad cu un di nan den forma di un potret.

No obstante, poco t'esun cu sa cu e animal aki poco poco ta perde su derecho di existencia dor cu e ta wordo mata diariamente pa consumo propio.

Aunke e yuwana ainda no ta poni oficialmente riba e lista di 'endangered species' e ta aparece riba e lista di Cites Appendix II na unda ta boga p'e animal su sobrevivencia y ta prohibi pa

trafica cune y mate. Un Yuwana ta pone 40/50 webo cu ta dura alrededor di 45 dia pa yega na su formacion y masha poco t'esnan cu ta alcanza e formacion den su totalidad.

E obra "Yuwana" ta forma asina e apertura di Aruba Art Fair, e prome instalacion traha totalmente cu trash.

A tuma 10 bari di sushi, 2 beach chair, 15 bumper di auto, 4 taray y diferente otro articulo mas pa yega n'e arte aki cu ta habri pa tur hende por admire na unda antes tabata Rialto Theater pariba di Biblioteca Nacional na San Nicolas.

Comunidad di San Nicolas a responde y ta dor di cu e organsacion a haya asina hopi material di recyclohe cu e artista a dicidi di traha un obra mas.

Bayendo den Aruba su historia e por a scucha cu tin un barco cu a wordo gezink durante guerra mundial dilanti di Aruba, Despues dor di horcan esaki a casi bin tera y a hiba e corage di Martin Molina pa hibe bek na su originalidad y zink e di nobo.

Siguiendo e storia di e barco aki y conectando un cu otro, por conclui cu un otro animal cu ta



di lama cu tambe ta den extension cu merece nos atencion, tin mesun number cu ta liga na Martin Molina. E pelicano.

Y asina haciendo uso di su imaginacion y su forma rapido di asumi arte y crea su vision, e hoben artista a crea e firmacion di Pelikaan cu a wordo poni gracias na Martin Molina y su crew di Pelican Tours riba e barco aki, formando asina un atraccion turistico, pero tambe lagando e mensahe atras di no duna e animal di come sin mester. Y yuda protégé loke ta di nos.

Aruba Art fair ta yama danki na famia de Veer, na Cuerpo Policial, n'e comunidad di San Nicolas, na Pelican Tours, sr. Alex Nieuwmeijer di Divi Resorts, na Joshwa Figaroa y e incansable crew di Aruba Art Fair cu gracias n'e dos obranan aki Aruba ta riba e google maps of Arts.

Dialuna lo inicia e obranan di Isidora Paz López di Chile cu ta traha intervencionan di Mozaik, Fio Silva di Argentina, Francis Sling di Curacao y Farid Rueda di Mexico.

E invitacion ta sigur na tur cu kier participa na e workshop di e artistanan pa inscribi via [www.arubaartfair.com](http://www.arubaartfair.com)



Inscribi awe mes

## YMCA ta cla pa cuminsa cu lesnan di cushina y computer

**YMCA** Aruba ta cla pa cuminsa cu su cursonan di cushina y computer. Rachel Croes, director di YMCA a indica cu den cuadro di nan programa progresivo-educativo, nan ta ofrece diferente curso di cushina y di computer p'e periodo cu ta bin.

E lesnan di cushinamento ta inclui Pastry, Snacks (YMCA Dakota), Cuminda Chines/Indones (YMCA Dakota y San Nicolas) duna dor di instructornan Willem Seferina y Glen

Ridderstap. Tur curso ta cuminsa dialuna 12 di september di 6:30pm pa 9:00pm y tin un duracion di 2 siman y mey, dos bi-aha pa siman.

Banda di esaki tin e cursonan di Computer pa yuda e personanan desaroya ariba tereno profesional cual ta e cursonan di: Word for Beginners, Excel for Beginners y tambe Adobe Photoshop for Beginners. Tanto e cursonan di Word y Adobe ta bay tuma luga na Dakota entrante e si-

man di 12 di september dor di instructor Jessica Semeleer.

E curso di Excel ta bay tuma luga na YMCA Dakota dor di instructor Jessica Semeleer y na YMCA San Nicolas dor di instructor Jacky Woodley. Tur curso di Computer ta cuminsa 12 di september di 6:30pm pa 9:00pm.

E cursonan di Computer tin un duracion di 5 siman un biaha pa siman. E prijs pa tur curso ta 150 Florin cu excepcion di esunnan



di cushinamento cual tin un extra costo pa loke ta ingrediente.

Na final lo duna tur cursista un certificado di participacion, e directora di YMCA a duna di conoce. Por sigui tur informacion y keda actualisa rib'e actividadnan di YMCA Aruba tambe pa medio di nan pagina di Facebook: YMCA

Aruba.

Interesadonan por pasa YMCA Dakota of San Nicolas pa inscribi te dialuna durante di dia pa asina atardi e lesnan por cuminsa. Tambe ta posibel pa yama na 582-3072 na YMCA Dakota pa mas informacion of na YMCA San Nicolas na 584-5303. Cupo ta limita.

## Masha and the Bear ta yega Aruba diamars awor

**DESPUES** di casi 6 luna di planificacion y trabaonan di preparacion, EZ Party Solutions den cooperacion di Aruba Airport Authority ta contento pa anuncia cu e idolo di e muchanan chikito Masha y su amigo Bear lo ta yegando e isla di Aruba diamars awor pa 4:30 di atardi.

Masha and the Bear ta un cartoon crea dor di Oleg Kuzovkov di Rusia y produci dor di Animaccord Animation Studio na Moscow. E show ta conta storianan di un mucha muhe yama Masha y su aventuranan hunto cu su amigo Bear cu semper ta salba Masha di haci un desaster.

E prome show yama "How They Met" a bay den aire pa prome biaha dia 7 di januari, 2009 y despues di su exito na Moscow el a wordo traduci den 25 diferente idioma y a wordo lanza tanto riba Netflix como NBC Universal.

Durante un sondeo cu EZ Party Solutions a haci na aña 2015 bou di muchanan di 2 te cu

10 aña a bin sali afo e popularidad grandi di Masha na Aruba y asina a bay over na crea un show local di Masha conhuntamente cu diferente gruponan di baile di mucha cu lo keda presenta den Cas di Cultura dianan 9, 10 y 11 di september den Cas di Cultura.

Diamars hunto cu Masha y su amigo Bear tambe lo ta yegando Officer Judy di e pelicula Zootopia y tambe pa di prome biaha na Aruba e figuranan di Angry Birds.

Un invitacion ta bai pa e mayornan trece e muchanan aeropuerto International Reina Beatrix pa 4:30 di atardi p'asina hunto nos yama Masha y su amigonan un cordial bon bini na nos



isla di Aruba. Despues di nan yegada, nan lo bay direct na Impex e cas di uniform na Sividivi unda nan lo keda te cu 6'or di atardi pa saluda y saca potret cu muchanan.

Mirando cu e shownan di dia 9, 10 y 11 ta completamente sold out EZ Party Solutions cu cooperacion di e gruponan di baile y Cas di Cultura a logra pone un extra dia di show disponibel cual lo bira diasabra 17 di september pa 7'or di anochi.

E entrada pa e show aki lo ta exclusivamente disponibel diamars awor durante e yegada di Masha na Impex of yamando EZ Party Solutions na 600-7000.

Pa esnan cu ta buscando e shirtnan di Masha and the Bear ainda tin un cantidad limita disponibel na Impex, pues busca dibo lihe p'asina bo tine pa bay cu ne airport diamars pa yama Masha bon bini na Aruba.





En conexion cu Dia di Prensa

## N.V. ELMAR a organisa charla "Media, Etica y Derecho"

Cu orador Dr. Glenn Thodé di Universidad di Aruba

**COMO** un gesto dedica specialmente na tur medionan di comunicacion y como gradicimento pa e cooperacion di semper, N.V. ELMAR a organisa un charla diabierna ultimo cu tabatin como titulo "Media, Etica y Derecho", cu orador Dr. Glenn Thode, Rector di Universidad di Aruba y un berdadero experto riba tereno di nos leynan penal. E evento a tuma luga den Alhambra Ballroom y a conta cu presencia y participacion di un cantidad di miembronan di prensa.

N.V. ELMAR e ultimo añanan a estrecha lasonan cu medionan di comunicacion hopi mas. Especialmente p'e desaroyonan positivo den e compania, mara na mas cu 15 milyon florin di inversion anualmente. Den e inversionnan ey a pone atencion na e infraestructura, pero specialmente na servicio. Den e cuadro ey mes a inicia un trayecto di digitalisacion pa profesionalisa e sistema di cobranza, pa sirbi clientenan miho.

Siendo un compania cu na november ultimo a cumpli 65 aña di existencia, semper a promove un bon relacion cu medionan di comunicacion den un esfuerzo pa tin un bon contacto cu e clientenan.

Durante su discurso di apertura, Wanda Broeksema a resumi e historia di medionan imprimi y digital riba nos isla, demostrando cu Aruba ta rico na medionan di comunicacion.

No spanta, pero estadisticonan internacional ta figura Aruba den top 10 na mundo cu mas medio di comunicacion pa capita. Esey ta brinda comunidad mas acceso na informacion, na noticia.

Meta di e charla tabata, pa cu ayudo di e orador invita, pa brinda poco tip na medionan di comunicacion, den con pa brinda mas noticia kedando den e margen di ley y sin cu mester confronta problemanan legal. Mirando e diversidad di medionan di comunicacion y entrada di e generacion nobo den media, cu un charla asina lo por yuda so pa amplia e conocimiento huridico di miembronan di prensa den kico ta cay den margen di ley y kico no.



### Ricibi AweMainta tur dia den bo Inbox

Registra awo!  
Manda bo e-mail na  
[noticia@awemainta.com](mailto:noticia@awemainta.com)





# AWEMainta

#1 Online

## Completamente DIGITAL

### Ricibi AWEMainta tur dia den bo inbox

Manda bo E-mail na [noticia@awemainta.com](mailto:noticia@awemainta.com)

### Haya tur e edicion di AWEMainta riba nos website

[www.awemainta.com](http://www.awemainta.com)

### Like nos riba Facebook

[www.facebook.com/awemainta](http://www.facebook.com/awemainta)